



ახალი განათლება

23-29.01.2020

№1 (875) განთავსებულია 1998 წლიდან

www.akhaliganatleba.ge

ქვეყნის საჯარო სკოლისა და მაღაროსკარის სკოლა-პანსიონის მოსწავლეებმა ახალი სემესტრი რეაბილიტირებულ სკოლებში დაიწყეს



2

ლალი ჯალაძე

როლის და როგორ გაგრძელდება ქარიერული წინსვლის „მარათონი“

ბიორბი ჭაუჭიძე: სახელმწიფომ შეიძლება ასეთი რამ შესთავაზოს წინსვლის მსურველთ: წამყვანობისა და მენტორობის მსურველებმა ჩააბარონ ჩვეულებრივი პროფესიული უნარების გამოცდა და იმ უფროს მასწავლებელს, რომელიც 70%-ზე მაღალ ქულას მიიღებს, წამყვანის სტატუსი მიენიჭოს, ხოლო ის წამყვანი მასწავლებელი, რომელიც 80%-ზე მაღალ ქულას მოაგროვებს, მენტორი გახდება.

ნადია დაბრუნდაშვილი: ახლა ის მდგომარეობაა, თითქოს დამთავრდა „მარათონი“ და ზოგმა მოასწრო ფინიშამდე მისვლა, ზოგმა ვერა, ზოგს გაუმართლა, ზოგს არა, ზოგი გამარჯვებულია, ზოგი არა.

ეკა ცხადაძე: რა დაამტკიცა გამოცდებმა? მასწავლებელთა დიდმა ნაწილმა ვერ მოახერხა მინიმალური კომპეტენციის დადასტურება საკუთარ საგანში. რა ქნა სახელმწიფომ? ატარა ტრენინგები, ატარა და დიდად ვერ წასწია წინ სწავლების ხარისხი. არაფერი დაეტყობს სკოლებს. ე.წ. 1-4 კრედიტით გაუფროსებული მასწავლებლებით, როგორც ჩემმა კოლეგამ ბრძანა, „პრაქტიკულად მოისპო პრაქტიკოს მასწავლებელთა კლასი“.

ქანა ნადირაძე: დიას, სახელმწიფო ვალდებულია, ნებისმიერ ადამიანს შეუქმნას თანაბარი უწყვეტი პროფესიული განვითარების შესაძლებლობის გარემო. არგუმენტად ვერ გამოდგება – წელს ვერ მოესწრო გამოცდის მომზადება და ამის გამო არ ჩატარდება, ეს ცოტა არასერიოზულია.

ლიანა წურწუშია: როცა არ იცი როგორ წარმართო შენი კარიერული წინსვლა, რთულია, ასე ჰაერში არ შეიძლება მასწავლებლის გამოკიდება.

დალი კირისელიძე: პრაქტიკამ ბევრჯერ აჩვენა, რომ კრედიტების დევნა, დადგმული გაკვეთილები და კოპი-პეისტიტი დაწერილი კვლევები კი არა, თავიანთი საქმის მცოდნე პროფესიონალები, კარგი სახელმძღვანელოები და საინტერესო სასწავლო პროცესი სჭირდება სკოლას. ამ ყველაფერს კი, სახელმწიფოსგან კომპლექსური მიდგომა სჭირდება და არა რაღაც ქიმერების დევნა. ამასობაში მოსწავლეები განზე დარჩნენ...

3



6



როლის და როგორ გაგრძელდება კარიერული წინსვლის „მარათონი“

ლალი ჯალაძე

2020 წლიდან „მასწავლებლის რეპუტაციის წესის“ ამოქმედება, რომელიც მასწავლებელთა პროფესიული განვითარებისა და კარიერული წინსვლის ახალ შესაძლებლობას გააჩნდა, ჯერ კიდევ გასული წლის გაზაფხულზე, სამინისტროს მიერ რეფორმების წარდგინების სერიის დროს დაანონსდა. მასწავლებელთა პროფესიული განვითარების ეროვნული ცენტრი 2020 წლის უმთავრეს ცვლილებასაც სწორედ ამ წესის ამოქმედებას უკავშირებდა. გუნდობრივ, დაანონსებულმა ცვლილებამ დიდი მოლოდინი გააჩნდა პედაგოგიურ საზოგადოებაში. „2020 წლიდან აღარ იარსებებს აღარც კრედიტულების დაგროვების სისტემა და აღარც პირადად დაკვირვება. მას ჩანაცვლებს მასწავლებლის რეპუტაციის წესი, რომლის მიხედვითაც, მასწავლებლის მსწავლეებს და მათ, ვისაც სურვილი აქვთ განუხადონ მდგომარეობა, გამოცდის ჩაბარება მოუხდომს, ხოლო პროფესიულ საჭიროებას სკოლა დააბრუნებს. პროფესიული საჭიროებისთვის მასწავლებელი რამდენიმე ტრენინგს გაიშვას, იღონებს აბაჟი კრედიტულებს აღარ მიიღებს.“ – აცხადებდა პირველი შუკაძე, 2019 წლის 8 მაისს, ჩვენი გაზეთისთვის მოცემულ ინტერვიუში. მისივე თქმით, პროფესიული განვითარება მუდმივად საჭიროა, მაგრამ მასწავლებლებზე აღარ იძნება ზედმეტი, რომ დააბრუნონ კრედიტები. „რაც შეეხება საფხვრებრივ წინსვლას, ეს გამოცდით განსწავლავს. ვმუშაობთ გამოცდის ასეთ ტიპზე: მაგალითად, ვარ უფროსი მასწავლებელი და მიხდება გავსე ნაგებანი ან მენტორი, ამისთვის მომიხდის პროფესიული უნარების რთული კატეგორიის ტესტის ჩაბარება. პროფესიულ უნარებში ტესტი რამდენიმე კატეგორიად დაიყოფა, საბნის გამოცდა კი ერთი ტიპის იქნება. საბნში საშუალო ბარბარად 50 პროცენტით განისაზღვრება, იმივე ბარბარის დაწესდება პროფესიულ უნარებში.“

ახალი წესის მიხედვით, გვეხება როდემდე გამოცდა: საბნის კომპეტენციის დადასტურება და პროფესიული უნარები. პროფესიულ უნარებში სამი ტიპის გამოცდა იგეგმება – პირველი, I-II-III კატეგორიის. რომელ კატეგორიისაა ჩაბარება მასწავლებელი, იმ კატეგორიის შესაბამის სტატუსს მიიღებს. მაგალითად, თუ უფროსი მასწავლებელი გადაწყვიტავს, რომ გახდეს პირდაპირ მენტორი და აღარ სურს ნაგებანი მასწავლებლობა, მენტორისთვის განკუთვნილ ტესტს აირჩევს და აღარ მოუხდის ლოდინი, რომ ჯერ ნაგებანი გახდეს და შემდეგ მენტორი.“

თუმცა, როგორც ირკვევა, 2020 წლისთვის ახალი ტიპის გამოცდა აღარ ჩატარდება, ამის მიზეზად კი ის ფაქტი სახელდება, რომ გამოცდის მომზადება ვერ მოხერხდა. შეფასებისა და გამოცდების ეროვნული ცენტრის ხელმძღვანელი სოფო გორგოძე ადასტურებს, რომ ეს გადაწყვეტილება განათლების სამინისტრომ უკვე მიიღო.

ცნობილია გადაწყვეტილება, რომ ახალი ტიპის გამოცდა არ ჩატარდება, მაგრამ გაუარესდება, რა სახით შეიძლება ან შეიძლება თუ არა საერთოდ, 2020 წელს, უფროსი და ნაგებანი პედაგოგები სტატუსის ამაღლებას?

როგორი იქნება მასწავლებლებისთვის 2020 წელი კარიერული ზრდის თვალსაზრისით?

პრაქტიკოსებს წინსვლისთვის კიდევ ერთი შანსი მისცეს და ისინი გააუმჯობესონ ისევე შეიძლება დაადასტუროს კომპეტენციები. უფროსი მასწავლებლების ნაწილი კი, რომლებსაც მხოლოდ გარე დაკვირვების გავლა ღირს, ეტაპობრივად, წლის ბოლომდე, განივლიან გარე დაკვირვებისა და ახალი მასწავლებლის სტატუსს. რაც შეეხება ნაგებან მასწავლებლებს, რომელთაც მენტორობა სურთ – მათთვის ჯერჯერობით გაუარესდება, რა უნდა გააკეთონ მთელი წლის განმავლობაში სტატუსის ასაღებლად. როგორც თავად ამბობენ, პროცესი ერთი წელი დაააზრდა. ასევე გაუარესდება იმ უფროსი მასწავლებლების კარიერული წინსვლის საკითხიც, რომლებსაც ახლა აიმაღლეს სტატუსი და იმ მასწავლებლების გეგმაც, რომლებიც სექტორებიდან შევიდნენ სისტემაში. ეს მოცემულია ბარბარულ უკმაყოფილებას და გულისწყრომას იწვევს ჩამოთვლილი კატეგორიის გამოცდების და აიმაღლებს სტატუსს. რაც შეეხება, როგორც ჩანს, მათ კიდევ ერთი წელი მოუხდომს ლოდინი რაზე ჩამოყალიბდება საბოლოოდ სამინისტრო.

დღეის მდგომარეობით, სისტემაში სულ 59 952 მასწავლებელია, აქედან 14 344 პრაქტიკოსის სტატუსის მქონე მასწავლებელად რჩება, რაც შეეხება მაღალი სტატუსის მქონე პედაგოგებს, მათი სტატუსტიკა ასეთია: უფროსი მასწავლებელი – 37 460; ნაგებანი მასწავლებელი – 2 908; მენტორი მასწავლებელი – 261.

რატომ ფარდება კარიერული წინსვლა და რა გამოსავალს ნიშნავს პედაგოგები?

გიორგი ჭაჭავაძე
მარნეულის №2 საჯარო სკოლის ქართულის როგორც მეორე ენისა და ისტორიის მასწავლებელი:

იცის ღმერთმა, თავიდანვე მასწავლებელთა 80%-იანი ჩაჭრების წინააღმდეგი ვიყავი და ძლიერ გამიხარდა 1 კრედიტის შემოღება ჯეჯელავას მიერ. როგორც ამ დღეებში გაირკვა, პრაქტიკულად მოისპო პრაქტიკოს მასწავლებელთა კლასი. მით უფრო მიუტევებელი და უსამართლოა ნამყვანობისთვის და მენტორობისთვის გზის დახშობა ნელსაც. გასაგებია, რომ სამენტორო გამოცდებს მომზადება სჭირდება. რადგან სახელმწიფომ ეს ვერ მოახერხა ნელს, ასეთი რამ შესაფერის ნინსვლის მსურველთა: ნამყვანობისა და მენტორობის მსურველებმა ჩააბარონ ჩვეულებრივი პროფესიული უნარების გამოცდა და იმ უფროს მასწავლებლებს, რომელიც 70%-ზე მაღალ ქულას მიიღებს, ნამყვანის სტატუსი მიენიჭოს, ხოლო ის ნამყვანი მასწავლებელი, რომელიც 80%-ზე მაღალ ქულას მოაგროვებს, მენტორი გახდება. ვფიქრობ, თუკი სახელმწიფო ნელსვე ვერ შესთავაზებს მასწავლებლებს ნინსვლის გზას, ამ ვარიანტის განხილვა ეგების.

ნადია დაბრუნდა
ნაშურის №1 საჯარო სკოლის მათემატიკის მასწავლებელი:

მიუხედავად იმისა, თუ რამდენწლიანი გამოცდილება გაქვს ამა თუ იმ პროფესიაში, ნებისმიერ სპეციალობაში პროფესიული წინსვლა და განვითარება აუცილებელია. ეს განსაკუთრებულად პედაგოგის პროფესიის ეხება, მით უმეტეს, ჩვენს დროში, როცა მოსწავლეები, თანამედროვე ტექნოლოგიების და კომუნიკაციის უამრავი ახლებური საშუალებების გამოყენებით, ხშირად მასწავლებლებს უსწრებენ ამა თუ იმ სფეროში – სიახლეების გაცნობით, სხვადასხვა პროექტებში მონაწილეობით და ხშირად წარმატების მოპოვებითაც. ამიტომ ჩემთვის, როგორც მასწავლებლისთვის, მასწავლებლის პროფესიული განვითარებისა და კარიერული წინსვლის სქემის შემოთავაზება არც უცხო და არც მიუღებელი ყოფილა, პირიქით, პირველივე ეტაპზე აქტიურად ჩავერთე პროცესში.

ვერ დავეთანხმები მოსაზრებას იმის თაობაზე, რომ სქემის ფარგლებში განხორციელებული აქტივობები მოსწავლეებს გვერდზე ტოვებდა, რადგან სქემის ფარგლებში განსახორციელებული თითოეული აქტივობა, სწორედაც რომ მოსწავლეთა ჩართულობით და მათთან მუშაობით, კლასში ან საკლასო ოთახის გარეთ, უნდა განხორციელდებოდა. სხვა საკითხია თუკი ვინმე მოსწავლეების ჩართვას არ ახდენდა ამ პროცესში, აქტივობებს მხოლოდ დოკუმენტებით, ფორმალურად აღრიცხავდა და ყველაფერი მხოლოდ ჩანაწერებში ხდებოდა და რჩებოდა.

დადებითად ვფასებ ჩვენს მიერ გავლილ პროფესიული განვითარების ტრენინგების უმეტესობას, ჩემთვის თითოეული მათგანი საკმაოდ დიდი სარგებლის მომტანი იყო როგორც პროფესიული განვითარებისთვის, ასევე მიღებული ცოდნით მოსწავლეებთან მუშაობაში, სხვადასხვა მეთოდების დანერგვისა და გამოყენებისათვის.

რადგან გარე დაკვირვების გავლის პირველივე ეტაპისათვის, რამდენიმე სხვა მასწავლებელთან ერთად, მასწავლებლის სახელის გამო დამკვირვებლად შემარჩიეს, ინტერესთა კონფლიქტის გამო, პროცესს ერთი სემესტრით ჩამოვრჩი. ვეგებავდი, რომ შემდეგში გარე დაკვირვებასაც მოვასწრებდი და მენტორობისთვის საჭირო აქტივობებსაც, თუმცა, აღმოჩნდა, რომ პროფესიული განვითარების სქემით მენტორის სტატუსის მისაღებად წინსვლას ვეღარ ვასწრებდი და ამისთვის გამოცდის ჩაბარება მომიწევდა. არც ეგავ პრობლემა, მაგრამ გამოცდის ჩატარების პროცესიც, როგორც ჩანს, გახანგრძლივდა და ჯერ უცნობია, როდის და რა ფორმით ჩატარდება კარიერული წინსვლისთვის განსაზღვრული გამოცდები.

ახლა ის მდგომარეობაა, თითქოს დამთავრდა „მარათონი“ და ზოგმა მოასწრო ფინიშამდე მისვლა, ზოგმა ვერა, ზოგს გაუმართლა, ზოგს არა, ზოგი გამარჯვებულია, ზოგი არა. არადა მოსწავლეებთან მუშაობა და აქტივობების განხორციელება მუდმივი პროცესია და თუ ერთ ეტაპზე ეს იყო განვითარებისა და წინსვლის პირობა, რატომ არ უნდა გავგრძელებულიყო, სანამ ვინმეს მასში მონაწილეობის სურვილი უქონდა? მით უმეტეს, როცა მასში მოსწავლეთა ჩართულობა და მათი ინტერესების გათვალისწინება ამ პროცესის თანმდევი და აუცილებელი პირობაა.

მასწავლებელთა პროფესიული განვითარებისა და კარიერული წინსვლის სქემის განხორციელების ერთბაშად შეჩერება იმის შთაბეჭდილებას ტოვებს, რომ სქემამ ამ სახით არ გაამართლა და ახლა ეს ყველაფერი გამოცდის თუ სხვა აქტივობების სახით უნდა გავგრძელდეს. სასურველი იქნებოდა მასწავლებელთა პროფესიული განვითარებისა და კარიერული წინსვლის სქემის მოქმედება გახანგრძლივებულიყო მანამ, სანამ გამოცდების საკითხი საბოლოოდ არ გახდებოდა ნათელი. უფრო მეტიც, ვფიქრობ, უკეთესი იქნებოდა, არჩევანი დაეტოვებინათ მასწავლებლებისათვის, ვის როგორი სახით სურდა პროფესიული განვითარება და კარიერული წინსვლა – გამოცდის სახით თუ მასწავლებლის პროფესიული განვითარებისა და კარიერული წინსვლის სქემის ფარგლებში მუშაობით. მოსწავლეთა შედეგებზე დაკვირვებაც უფრო საინტერესო იქნებოდა პარალელურ რეჟიმში, ორივე ტიპის პროფესიული განვითარებისა და კარიერული წინსვლის მსვლელობის პროცესში.

მიმარჩნია, რომ ჩვენს სისტემაში რამის შეცვლისას (თუ, რა თქმა უნდა, ზიანის მომტანი და სასწრაფოდ შესაწყვეტი არ არის), ხისტად შეწყვეტას ყოველთვის სჯობს თანდათანობით, ეტაპობრივად გადასვლა.

ქაბა ცხადანი
მარნეულის №2 საჯარო სკოლის ქართული ენის მასწავლებელი:

ყველა მასწავლებლის უწყვეტი განვითარების შესაძლებლობას რომ სახელმწიფო თანაბრად ვერ ქმნის, ვფიქრობ, გადაჭარბებული შეფასებაა. სქემის ვადებისა და მასში ჩართვის შესახებ ყველასთვის თანაბრად ხელმისაწვდომი იყო ინფორმაცია და საშუალება. ყველა სფეროში არის კადრი, რომელიც არ ელოდება რას შესთავაზებს მას სახელმწიფო ან სხვა დამსაქმებელი. ამიტომ დამოუკიდებლად ცდილობს საკუთარი პროფესიული შესაძლებლობების სრულყოფას. შინაგანი მოტივაცია, გენებავთ, ამბიცია, გენებავთ მაძიებელი ხასიათი აიძულებს მას იყოს სხვებზე ერთი ნაბიჯით წინ. რა თქმა უნდა, მასწავლებლებშიც არიან ასეთები და მათი აქტიურობა სოციალური ქსელებიდანაც მშვენივრად ჩანს – ქმნიდნენ ბლოგებს, სხვადასხვა საგანმანათლებლო პროგრამების ტუტორიალებს, აქტივობათა ბანკებს, რესურსებს, ატარებდნენ და ეხსრებოდნენ ტრენინგებს, ვითარდებოდნენ პროფესიულად და სხვებსაც აძლევდნენ განვითარების საშუალებასაც და სტიმულსაც. ბუნებრივია, ეს ყველაფერი მათი მუშაობის შედეგზე აისახა.

რა გასაკვირია, რომ სქემის ამოქმედების შემდეგ, მათ მეტი აქტივობა ჰქონდათ მარაგში. შესაბამისად, უფრო ადრე დანიშნულდნენ. შეიძლება ითქვას, რომ პირიქითაც მოხდა. ასეთი მაძიებელი მასწავლებლები ერთგვარად დაიჩაგრნენ, რადგან სახელმწიფომ მათ 2011 წლიდან 2015 წლამდე ნამუშევარი 6 კრედიტამდე დაუყვანა. ეს 6 კრედიტი მარტივად დააგროვა ნაკლებად მონდომებულმა ადამიანმა, სულ რაღაც, 1 წელიწადში. ერთგვარი ფრუსტრაცია მაშინაც გაჩნდა, მაგრამ მასწავლებელთა ნაწილს საკუთარ განვითარებაზე უარი არ უთქვამს და კვლავ 1 ნაბიჯით აღმოჩნდნენ წინ.

პრაქტიკოსი მასწავლებლებისთვის მუდმივი შეღავათების, გადავადებების, წელიწადში ორჯერ გამოცდების შეთავაზების პოლიტიკა გვაფიქრებინებს, რომ სახელმწიფო დაინტერესებულია, სკოლაში ამ სტატუსის ადამიანი არ იყოს, არა ჩანაცვლებისა და უკეთესი კადრის ხარჯზე, არამედ მათი გაუფროსების გზით.

სქემამდე სტატუსის შეცვლა მხოლოდ სასერტიფიკაციო გამოცდით იყო შესაძლებელი, რაც, ჩემი აზრით, უფრო ობიექტური იყო. დიხა, გამოცდა არ ამოწმებს პრაქტიკულ უნარებს და მისი ჩაბარება კარგ მასწავლებლობას არ ნიშნავს, მაგრამ თუ საკუთარ საგანს ვერ ფლობს ადამიანი მინიმალურ დონეზე, არ მგონია, რომ ის პროფესიონალი იყოს. პროფესიონალიზმი ცოცხალსა და გულსხმობს და ცოდნის ბავშვებამდე მიტანის უნარსაც.

რას ამოწმებს გამოცდით სახელმწიფო? დავუშვათ, თეორიულ ცოდნას. რატომ აკეთებს ამას სახელმწიფო? 1. გააჩნის კარგი და ნაკლებად კარგი კადრი; 2. მოტივირებული გახადოს ნაკლებად კარგი, გახდეს კარგი; 3. კარგს მისცეს სტიმული და მინიმალურად მაინც დაეხმაროს ფინანსურად; 4. დააინტერესოს მასწავლებელი, თავადაც ისწავლოს; 5. ყველაფერმა კი გააუმჯობესოს სწავლების ხარისხი.

რა დამტკიცა გამოცდებმა? მასწავლებელთა დიდმა ნაწილმა ვერ მოახერხა მინიმალური კომპეტენციის დადასტურება საკუთარ საგანში. რა ქნა სახელმწიფომ? ატარა ტრენინგები, ატარა და დიდად ვერ ნასწია წინ სწავლების ხარისხი. არაფერი დაეტყო სკოლებს. პირიქით, ბოლო კვლევების მიხედვით, რამდენიმე პუნქტით კიდევ უფრო დაინია წერა-კითხვა-გაგებისა და ლოგიკურმა კომპეტენციებმა მოსწავლეებში. სანაცვლოდ, ე.წ. 1-4 კრედიტით გაუფროსებული მასწავლებლებით, როგორც ჩემმა კოლეგამ ბრძანა, „პრაქტიკულად მოისპო პრაქტიკოს მასწავლებელთა კლასი“. რა არის ამაში სასიხარულო? მხოლოდ ერთი – სახელმწიფოს დანამატს მიიღებს უფრო მეტი, ვიდრე შარშან. მაგრამ შეიცვალა მათი დამოკიდებულება, კომპეტენცია, სწავლების ხარისხი, დაეტყო მოსწავლეთა შედეგებს? რა თქმა უნდა, არა. ისევ ბოლო კვლევას დავიხსენებ. ამიტომ მიმარჩნია, რომ 1 კრედიტით გაუფროსება არ იყო სწორი სტრატეგია.

ჩემი აზრით, სქემა ძალიან ბიუროკრატიული მექანიზმი იყო, უამრავი დოკუმენტის წერა-შეგება-შეგებასთან მოითხოვდა. როცა შეგეფასებელი და შესაფასებელი ერთი და იმავე ორგანიზაციის წარმომადგენლები არიან, ფორმალური და არაფორმალური ურთიერთობების ფონზე, გაჭირდება ობიექტურობის ხარისხის შენარჩუნება. მით უფრო, თუ შეგეფასებელი ხანდახან სტატუსითაც და კომპეტენციითაც აშკარად ნაკლებია შესაფასებელი სუბიექტზე. ამან წარმოშვა ე.წ. კრედიტების მოპოვების დაულოცებელი სწრაფვა. მთავარი გახდა არა საკუთარი პრაქტიკოსის სრულყოფა და პროფესიული ზრდა, არამედ, როგორმე გამოცდაზე 1 კრედიტის მიღება. დანარჩენს სკოლა მიხედავდა, სკოლა მისცემდა შესაძლებლობას დანიშნურებულებას, ხშირ შემთხვევაში, არარსებულ, შეთხზული აქტივობებით. ეს იყო ის შავი ხვრელი, რომლითაც, სამწუხაროდ, ძალიან ბევრმა ისარგებლა. კარგია, როცა ძლიერი პედაგოგისი გყავს. თეორიული ცოდნითა და პრაქტიკული უნარებით შეიარაღებული, მაგრამ ხელოვნურად სტატუსმეცვლილი მასწავლებლებით სწავლების ხარისხის გაუმჯობესება კიდევ უფრო დიდხანს გაჭირდება.

ქაბა ცხადანი
ქუთაისის №29-ე საჯარო სკოლის სამოქალაქო განათლების მასწავლებელი:

არ მიმარჩნია, რომ დისკრიმინაციის მსხვერპლი ვარ, მაგრამ სახელმწიფოს გონივრულ ვადაში ჰქონდა იმის საშუალება, რომ ყველა მასწავლებლისთვის შეექმნა თანაბარი მოტივაცია და საზრუნავი სტატუსის ამაღლებისთვის. დიხა, სახელმწიფო

პროფესიული განვითარება

ვალდებულია, ნებისმიერ ადამიანს შეუქმნას თანაბარი უწყვეტი პროფესიული განვითარების შესაძლებლობის გარემო. აქამდე ამ გარემოს მასწავლებელთა პროფესიული განვითარების სქემით ქმნიდა, თუმცა, ეს სქემა არ ეხება სკოლაში ნელს შესულ მასწავლებლებს, რადგან მათი ლტოლვა პროფესიული განვითარების მექანიზმებს დააუზღებდა უკვე ერთი სემესტრის განმავლობაში. მეც ამ მასწავლებლების რიცხვს მივყუთვნი, რადგან სკოლაში მასწავლებლებს სექტემბერში შეევედი უფროსი მასწავლებლის სტატუსით. ფაქტობრივად, ახლა არაფერს ვაკეთებ პროფესიული ზრდისთვის, თუ არ ჩავთვლით იმას, რომ ჩვენი სამოქალაქო კლუბი ჩართულია არასამთავრობო ორგანიზაციის „მომავლის თაობის“ პროექტში – სამოქალაქო განათლების პედაგოგთა ფორუმთან ვთანამშრომლობთ. როგორც გითხარით, 2014 წლამდე სერტიფიცირებული უფროსი მასწავლებელი ვარ, მაგრამ სქემის ფარგლებში ახლა ვერანაირ საქმიანობას ვეღარ ვახორციელებ. მიუხედავად ამისა, მაინც ვაკეთებთ და ვმუშაობთ საკლასო და საკლუბო პროექტებზე. სულაც არ ვფიქრობ, რომ მხოლოდ კრედიტებისთვის უნდა მუშაობდეს მასწავლებელი, მაგრამ, როცა ანაზღაურების ზრდა სწორედ პროფესიულ წინსვლაზეა მიბმული, ბუნებრივად გინდებდა სურვილი, აიმაღლო სტატუსი. ცალსახად, კიდევ ერთხელ ვიტყვი, რომ პროფესიული განვითარება მხოლოდ სავალდებულო კრედიტების დაცვით არ არის, ეს არის სიახლეების მიღება, კოლეგებთან თანამშრომლობა, საუკეთესო პრაქტიკის გაზიარება და ა.შ. მაგრამ სტატუსის მიმართულებით განვითარების სურვილიც პროფესიულ ზრდაში მოიაზრება.

ზოგადი განათლების შესახებ კანონშიც არის მითითებული, რომ მასწავლებლებს ევალება სქემაში ჩართვა, მაგრამ, სამწუხაროდ, მოცემულ მომენტში, ეს ყველა კატეგორიის მასწავლებლისთვის შეუძლებელია. კანონი იმასაც ავალდებულებს, რომ ყველა მასწავლებელი თანაბარ მდგომარეობაში უნდა აღმოჩნდეს.

რას ნიშნავს უწყვეტი პროფესიული განვითარება? მასწავლებელთა პროფესიული განვითარების ეროვნულ ცენტრს პირდაპირ უწერია მისი მიზანი, რომ მან უნდა უზრუნველყოს მასწავლებელთა უწყვეტი პროფესიული განვითარების ხელშეწყობა, აქედან გამომდინარე, არგუმენტად ვერ გამოდგება – ნელს ვერ მოვსწავლო გამოცდის მომზადება და ამის გამო არ ჩატარდება, ეს ცოტა არასერიოზულია. თუმცა, ამ პრობლემის მოგვარება, ჩემი შეხედულებით, სულაც არ არის დიდ სირთულეებთან დაკავშირებული. მინდა დავეთანხმო გიორგი ჭაუჭიძის მოსაზრებას, რომელმაც გარკვეული გამოსავალი შემოგვთავაზა. ჩატარდეს გამოცდა ძველი სისტემით, ძველი ტესტირებით, ვიდრე ახალ ტესტებს შექმნიან და ეს ხელოვნური შეფერხებაც აღარ იქნება. ვინც დააგროვებს მაღალ ქულას – 70-80 პროცენტზე მეტს, შესაბამისად, მისთვის უფრო მაღალი სტატუსი განისაზღვროს, ხოლო ვინც მხოლოდ დაბალი ქულა უღერის გადალახვას შეძლებს, უფროსი მასწავლებელი გახდება. ვფიქრობ, ეს ძალიან მარტივი გამოსავალია, ვიდრე ახალ ტესტებს შექმნიან. თან, არა მგონია, 10-წლიანი გამოცდილებით და საკმაოდ დიდი ბაზით გაუჭირდეთ საკითხის ამგვარად მოგვარება. სულაც არ ვთვლი, რომ სქემაში რაღაც ცვლილებების განხორციელება საჭირო, უბრალოდ, გარდაამავდეთ პერიოდში, ასეთი მიდგომის გამოყენება კარგი იქნებოდა. დაანონსდა, რომ სტატუსის ამაღლება ახლა შეუძლებელია, რადგან გამოცდები მოსამზადებელია, კი ბატონო, შექმნან ახალი ტესტები, მაგრამ მანამდე დროს ნუ დაგვაკარგინებენ, რა რესურსიც აქვთ, იმით ჩაატარონ გამოცდა.

ძალიან მომწონს, რომ სამინისტრო მაქსიმალურად უწყობს ხელს პრაქტიკოსებს სკოლა არ დატოვონ, მათ კიდევ ერთხელ მისცა გამოცდაზე გასვლის შანსი, ასე ვთქვათ, რბილად და „მე-

გობრულად“ ექცევიან. ეს ძალიან კარგია, რადგან დასაკარგი მასწავლებლები არ გვყავს. მაგრამ, ასეთი მიდგომების დანერგვა არც სხვა სტატუსის მქონე მასწავლებლებისთვის გვანყენდა. მაღალი სტანდარტების შემოტანამდე, რასაც სამინისტრო გეგმავს, არსებული ტესტების ბაზით ჩაატარონ გამოცდები და უფრო მაღალი ბარიერი დაანესონ. ჩემი აზრით, ეს მართლაც საუკეთესო გამოსავალია, იმასაც დავამატებ, რომ ტესტებში გაზარდონ მეთოდური ნაწილი, რაც მასწავლებლის პროფესიონალიზმს კიდევ უფრო კარგად წარმოაჩენს. დროა, ზაფხულისთვის მაინც იქნეს მიღებული ადეკვატური ზომები, რათა პროფესიული განვითარების უწყვეტობა უზრუნველყოფილი იყოს თანაბრად და არა დისკრიმინაციულად.

დიანა წურჭუჭია
ჩხორწყის მუნიციპალიტეტის ლესიჭინეს №1 საჯარო სკოლის ქართული ენისა და ლიტერატურის მასწავლებელი:

ჩვენითვის ძალიან მნიშვნელოვანია დროზე გაირკვეს რა უნდა გააკეთოთ – ჩემს შემთხვევაში, რა უნდა გააკეთოს იმ ნამყვანმა მასწავლებელმა, რომელსაც მენტორობა სურს 2020 წლის განმავლობაში. ერთი ნელი მართლაც ძალიან ბევრს ნიშნავს, როცა არ იცი როგორ წარმართო შენი კარიერული წინსვლა, რთულია, ასე ჰაერში არ შეიძლება მასწავლებლის გამოკიდება. ფაქტობრივად, ამ სიტუაციაში უფრო იჩაგრება ნამყვანი მასწავლებელი, რომელსაც მენტორობა სურს, წინსვლა უნდა, მაგრამ ამის საშუალება არ ეძლევა. მაინცდაამინც არ არის იდეალური, რომ გაუხეხო მენტორი, მაგრამ, გარკვეულწილად, ეს ჩემს მოტივაციაზე ცუდად აისახება. თუმცა, ვერ გეტყვით, რომ მოტივაცია დამიკარგა და აღარაფერს ვაკეთებ ხარისხიანი სწავლებისთვის. ნამდვილ პედაგოგს ეს არ დაემართება, მაგრამ წყენას და გულსიტკივლს იწვევს. ისევე ის პედაგოგები ვიჩაგრებით, რომლებმაც მართლა ჩავაბარეთ გამოცდები და კრედიტების დაგროვებაში არ დავკარგეთ წლები. არასდროს ამიბზევიცა ცხვირი, უცებ რომ ჩავაბარე გამოცდები, ავიღე სერტიფიკატი, წარმატებით დავადასტურე კომპეტენცია, რადგან ეს ჩვეულებრივად მიმჩნედა და დღესაც ასე მიმჩნეა. მაგრამ რატომ უნდა ველოდო ასე გაურკვეველად რაღაცას? მოგვცენ პროფესიული ზრდისა და კარიერული წინსვლის საშუალება... რაღაც ვერ არის ჩვენითვის კარგი... ვფიქრობ, ნიჭიერება იჩაგრება.

დალი კირსელიძე
გერმანული ენის მასწავლებელი:

გულდასაწყვეტია, რომ მასწავლებლებმა უდიდესი შრომა სქემის აქტივობების განხორციელებაში და კრედიტების დაგროვებაში ჩადეს მამინ, როცა შეიძლებოდა ეს შრომა ბავშვებს მოხმარებოდა. პრაქტიკამ ბევრჯერ აჩვენა, რომ კრედიტების დევნა, დადგმული ვაკეეთილები და კოპი-პეისტით დაწერილი კვლევები კი არა, თავიანთი საქმის მოცდენ პროფესიონალები, კარგი სახელმძღვანელოები და საინტერესო სასწავლო პროცესი სჭირდება სკოლას. ამ ყველაფერს კი, სახელმწიფოსგან კომპლექსური მიდგომა სჭირდება და არა რაღაც ქიმერების დევნა. ამასობაში მოსწავლეები განზე დაარჩენ...

ჩვენი განათლების სისტემა ძირფესვიანად შესაცვლელია. დავინწყით იმით, რომ სახელმძღვანელოები არ გვივარგა. ჩვენ, უცხო ენების მასწავლებლები, ცოტა განებოვრებულები ვართ იმ მხრივ, რომ ჩვენი სახელმძღვანელოები უცხოეთში იბეჭდება. აქედან გამომდინარე, ხარისხიც უკეთესია. საქართველოში შექმნილი სახელმძღვანელოები, უბრალოდ, ვერანაირ კრიტიკას ვერ უძლებს. მე მყავს სამი შვილი, ორი უკვე სტუდენტია, ერთი – სკოლის მოსწავლე, მეშვიდეკლასელი. თქვენ რომ განახათ გეოგ-

ინფორმაცია

საქართველოს პრემიერ-მინისტრმა, გიორგი გახარიამ მთავრობის სხდომაზე პროფესიული განათლების მასწავლებელთა სახელფასო ზრდა დაანონსდა. პრემიერის განცხადებით: „პროფესიული განათლების ნაწილში განათლების სამინისტრომ წარმოადგინა საკითხი, რომლის შესაბამისად, პროფესიული განათლების მასწავლებლებსა და პედაგოგებს საათობრივი ანაზღაურება მნიშვნელოვნად გაეზრდება და მათი საშუალო ხელფასი, დაახლოებით, 1800 ლარი გახდება. ჩვენ ვახორციელებთ სისტემურ რეფორმას განათლების სისტემაში, რომლის ყველაზე მნიშვნელოვანი ნაწილი საშუალო განათლების კომპონენტი გახლავთ. დღეს, უკვე 2020 წლიდან, განსაკუთრებულ ყურადღებას ვუთმობთ პროფესიულ განათლებას, რომელიც ჩვენი პრობლემების გადალახვის საფუძველი უნდა გახდეს როგორც დასაქმების თვალსაზრისით, ასევე იმ დისბალანსის აღმოსაფხვრელად, რომელიც ჩვენ შრომის ბაზარზე გვაქვს“. პროექტი სხდომაზე განსახილველად მიხეილ ჩხეკელიძე წარადგინა. პროფესიულ განათლებაში მიმდინარე რეფორმის ერთ-ერთი მთავარი ამოცანაა განათლების ხარისხის გაუმჯობესება. რეფორმის ფარგლებში პროფესიული განათლების მასწავლებლებს ანაზღაურება, ჯერ კიდევ 2019 წელს, 11 ლარამდე გაეზარდა, ხოლო ამჟამინდელი ცვლილების შედეგად მასწავლებლის ერთი საათის ანაზღაურება (საბაზო) 15 ლარის ოდენობით განისაზღვრება. აღნიშნული ზრდა 2020 წლის იანვრიდან შეეხება ყველა მასწავლებელს, რომელიც დასაქმებულია პროფესიული

საგანმანათლებლო პროგრამების განმახორციელებელ საჯარო დაწესებულებაში (კოლეჯი, უნივერსიტეტი, სკოლა) ან იმ კერძო სასწავლებელში, სადაც ირიცხებიან პროფესიული სტუდენტები სახელმწიფო დაფინანსებით. ეს ცვლილება პროფესიულ განათლებაში კერძო სექტორიდან, წარმოებიდან პროფესიონალი კადრების მოზიდვის საშუალებას იძლევა. მასწავლებელთა თვიური ანაზღაურება დამოკიდებულია საათობრივ დატვირთვაზე. მათი საშუალო თვიური ანაზღაურება, სრული დატვირთვის შემთხვევაში, ამჟამად, 1300 ლარს შეადგენს, ხოლო ზრდის შემთხვევაში, დაახლოებით, 1800 ლარს მიაღწევს. აღსანიშნავია, ასევე, რომ სამინისტრო, დიდი ბრიტანეთის „კარგი მმართველობის ფონდის“ დაფინანსებით, მსოფლიო ბანკთან ერთად, მუშაობს „პროფესიული განათლების მასწავლებლების პროფესიული განვითარების ახალი მოდელის“ შექმნაზე, რაც იმის საფუძველი გახდება, რომ მასწავლებელთა ანაზღაურების შემდგომი ზრდა განპირობებული იქნება სწორედ აღნიშნული მოდელის ფარგლებში მასწავლებელთა კვალიფიკაციით, გამოცდილებით და პედაგოგიური მიღწევებით. ახალი მოდელის დაწერვა დაგეგმილია 2020 წლის ბოლოს. ბოლო წლებში, დასაქმებულების ჩართულობით, მომზადდა/გადაამუშავდა 100-მდე პროფესიული საგანმანათლებლო პროგრამა. ახალი პროგრამები ხელს უწყობს კომპეტენციებზე დაფუძნებული სწავლების უზრუნველყოფას და დაფუძნებულია სტუდენტთა პრაქტიკული უნარების განვითარებაზე როგორც კოლეჯში,



ასევე სანარმოში, რეალურ სამუშაო გარემოში. აღნიშნული მიდგომის რეალიზაციისათვის, პროფესიული განათლების მასწავლებელი უმნიშვნელოვანეს როლს თამაშობს და განსაკუთრებით მოთხოვნილია სწორედ პრაქტიკოსი სპეციალისტების ჩართულობის სტიმულირება. აღსანიშნავია, რომ 2019 წელს დაინერგა ახალი მოდული პროგრამები, რომელიც თავისთავად გულსხმობს სწავლა-სწავლების ხარისხის გაუმჯობესებას, რაც პროფესიული განათლების მასწავლებელთა მაღალ კვალიფიკაციას მოითხოვს.

რეფორმის პარალელურად, აქტიურად დაიწყო პროფესიული განათლების მასწავლებელთა შესაძლებლობების გაუმჯობესება სხვადასხვა მიმართულებით. ბოლო წლებში მასწავლებლები გადამზადდნენ პედაგოგიური უნარების, სტუდენტთა შეფასების ახალი მიდგომების, ინკლუზიური სწავლების მიმართულებით, ასევე, ჩატარდა სპეციალური ტრენინგები რეალურ სამუშაო გარემოში. 2013 წლიდან დღემდე პროფესიული განათლების განვითარებისთვის სახელმწიფომ, ჯამში, 300 მილიონზე მეტი გამოყო.

ინფორმაცია

რთული ქსავის მქონე მოზარდებისთვის არასრულწლოვანთა რეფერირების დანესახულა შიქმენა

ლალი ჯალაძე

2020 წლის პირველი იანვრიდან ძალაში შევიდა არასრულწლოვანთა რეფერირების წესი, რომლის მიზანი, ინსტიტუციური და კომპლექსური მიდგომის გზით, რთული ქცევის მქონე არასრულწლოვანების სოციალიზაცია, რესოციალიზაცია, რეაბილიტაცია, დანაშაულის პრევენციაა. ახალი წესით განისაზღვრა რეფერირების ეტაპები, რომელიც რთული ქცევის მქონე არასრულწლოვანთა გამოვლენას, მათი საჭიროებების შესწავლას და შესაბამის პროგრამებში ჩართვას მოიცავს.

დოკუმენტის თანახმად, რთული ქცევის მქონე მოზარდებისთვის შეიქმნება არასრულწლოვანთა რეფერირების დანესახულა, რომელიც საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს „ნახევრად დახურული სააღმშრდელი დანესახულა“ იქნება. ასეთი დანესახულების შექმნამდე კი, არასრულწლოვანთა რეფერირების დანესახულების ფუნქციებს, 2020 წლის პირველ სექტემბრამდე, ქალაქ სამტრედიის №15 საჯარო სკოლა (სკოლა-პანსიონი) შეასრულებს. სკოლა-პანსიონში 2020 წლის პირველი იანვრის მდგომარეობით მყოფი არასრულწლოვანების ამ წესის მიხედვით ხელახალ შეფასებას კი, 2020 წლის პირველ აპრილამდე, ცენტრის სპეციალისტთა ჯგუფი განახორციელებს.

შრომის ან ბავშვის სხვა კანონიერი წარმომადგენლის მიერ არასრულწლოვანთა რეფერირების ცენტრთან ხელშეკრულების დადებაზე უარის თქმა ადმინისტრაციული წესით დასჯადი ქმედება გახდა. რეფერირების წესის მიხედვით, ცენტრის სპეციალისტთა ჯგუფი იუსტიციის სამინისტროს

დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოს სტრუქტურული ერთეულია – არასრულწლოვანთა რეფერირების ცენტრის სათანადო სპეციალიზაციის მქონე თანამშრომლები, რომლებიც, საჭიროების შემთხვევაში, მონვეულ სხვა სპეციალისტებთან ერთად აფასებენ არასრულწლოვანის ინდივიდუალურ საჭიროებებს, სოციალურ გარემოს, უსმენენ მას, კონსულტაციას უწევენ მის კანონიერ წარმომადგენელს/ფაქტობრივ მზრუნველს, გადაწყვეტილებას იღებენ არასრულწლოვანის რეფერირების, მათ შორის, ამ წესით გათვალისწინებული ღონისძიებების გამოყენების/ცვლილების/შენიშვნის საკითხთან დაკავშირებით.

როგორც დოკუმენტშია აღნიშნული, წესი ვრცელდება რთული ქცევის მქონე, 10-დან 18 წლამდე ასაკის, არასრულწლოვანებზე, გარდა იმ შემთხვევისა, როდესაც პირის მიმართ დანესახულია განრიდების პროცესი, ან მის მიმართ დანესახულია სისხლისსამართლებრივი დევნა, ან სასჯელის სახით მას განესაზღვრა თავისუფლების აღკვეთა. წესი ასევე გავრცელდება 7-დან 14 წლამდე ასაკის იმ არასრულწლოვანებზე, რომლებთან მიმართებაშიც კომპეტენტური უწყებების მიერ დასაბუთებული ვარაუდის სტანდარტით დადასტურდება საქართველოს სისხლის სამართლის კოდექსის კერძო ნაწილით გათვალისწინებული ქმედების ჩადენა. 10 წლამდე ასაკის არასრულწლოვანის არასრულწლოვანთა რეფერირების დანესახულაში გაგზავნა დაუშვებელია. არასრულწლოვანის არასრულწლოვანთა რეფერირების დანესახულაში გაგზავნის მიზანშეწონილობის საკითხს განიხილავს ცენტრის სპეციალისტთა ჯგუფი.



არასრულწლოვანის საუკეთესო ინტერესებიდან გამომდინარე, არასრულწლოვანთა რეფერირების დანესახულაში შესაძლებელია 10-დან 18 წლამდე ასაკის არასრულწლოვანის გაგზავნა ცენტრის სპეციალისტთა ჯგუფის შუამდგომლობაში განსაზღვრული ვადით. ეს ვადა არ უნდა აღემატებოდეს ერთი სასწავლო სემესტრის ხანგრძლივობას, გარდა იმ შემთხვევისა, თუ არასრულწლოვანს „ზოგადი განათლების შესახებ“ საქართველოს კანონით გათვალისწინებული წესით, ცენტრის სპეციალისტთა ჯგუფის გადაწყვეტილებით, გაუხანგრძლივდება არასრულწლოვანთა რეფერირების დანესახულაში ყოფნის ვადა.

„არასრულწლოვანის ვინაობის, ასევე მისი ფსიქოლოგიური მდგომარეობის შესახებ მიღებული ინფორმაცია და სხვა პერსონალური მონაცემები კონფიდენციალურია და მისი გამოყენება შესაძლებელია მხოლოდ ცენტრისა და რეფერირების პროცედურებში ჩართული უწყებების, დანესახულაშია და ორგანიზაციების შესაბამის უფლებამოსილ თანამშრომლებს შორის სამსახურებრივი ფუნქციების შესრულების მიზნით, პერსონალურ მონაცემთა დაცვის შესახებ“ საქართველოს კანონისა და ამ წესის შესაბამისად,“ – აღნიშნულია დოკუმენტში.

ქართველი მოსწავლეების უკრახელენტო შედეგები

ლალი თვალაბიძე

მორიგი გამარჯვებით და უპრეცედენტო შედეგით დაბრუნდნენ ქართველი მოსწავლეები ქალაქ ალმატიში გამართულ ჟაუსტიკოვის მე-16 საერთაშორისო ოლიმპიადიდან.

ასპარეზობა მიმდინარე წლის 8-12 იანვარს გაიმართა და მასში 21 ქვეყნის 84 გუნდის 600-მდე მოსწავლე მონაწილეობდა. ოლიმპიადაში თბილისის კომაროვის 199-ე, ვეკუას 42-ე და ქუთაისის რაზმაძის სახელობის 41-ე ფიზიკა-მათემატიკური სკოლების გუნდები მონაწილეობდნენ. ქართველმა მოსწავლეებმა 16 მედალი მოიპოვეს (3 ოქრო, 5 ვერცხლი და 8 ბრინჯაო). 16-დან 13 მედალი (3 ოქრო, 5 ვერცხლი და 5 ბრინჯაო) კომაროველებს ერგოთ, შესაბამისად, კომაროვის სახელობის 199-ე სკოლის გუნდმა მესამე საპრიზო ადგილიც (რეიტინგით მეხუთე ადგილი) მოიპოვა.

ოქროს მედალებით დაჯილდოვდნენ: თეიმურაზ თოლორაია – აბსოლუტური პირველი ადგილი (მათემატიკა – კომაროვი), ნიკოლოზ ბირკაძე (მათემატიკა – კომაროვი) და ანა ონოფრიშვილი (მათემატიკა – კომაროვი);


ვერცხლის მედალოსნები: ლუკა მუშუქიანი (მათემატიკა – კომაროვი), ზაურ ბოკეველაძე (მათემატიკა – კომაროვი), გიორგი ძაძამია (ფიზიკა – კომაროვი), არჩილ ბასაძიშვილი (ინფორმატიკა – კომაროვი) და გიორგი ჩხაიძე (ინფორმატიკა – კომაროვი);

ბრინჯაოს მედალოსნები: ლაშა კვატაშიძე (მათემატიკა – ქუთაისის რაზმაძის სკოლა), ნიკა გლუნჩაძე (მათემატიკა – ვეკუა), დემეტრე გელაშვილი (მათემატიკა – ვეკუა), თამარ კორკოტაშვილი (მათემატიკა – კომაროვი), ჯონი თოიძე (ფი-

ზიკა – კომაროვი), ლუკა კირთაძე (ფიზიკა – კომაროვი), ლუკა კობაძე (ფიზიკა – კომაროვი) და დავით მემარნიშვილი (ინფორმატიკა – კომაროვი).

აღსანიშნავია, რომ საერთაშორისო ოლიმპიადაზე, მათემატიკაში, კომაროვის სახელობის №199 საჯარო სკოლის მეთორმეტკლასელმა, თეიმურაზ თოლორაიამ, 255 კონკურსანტს შორის, უმაღლესი ქულა მოიპოვა, 42 შესაძლებელია 42 ქულის დაგროვება შეძლო და პირველი ადგილიც ღირსეულად დაიმსახურა. მას მიაჩნია, რომ ეს წარმატება ჩვენი ქვეყნისთვის მნიშვნელოვანია. ქართველმა მოსწავლემ, დემეტრე, არაერთ ოლიმპიადაზე იასპარეზა წარმატებით. „აქამდეც მქონია წარმატებები, თუმცა ეს ყველაზე კარგა ჯერჯერობით. შარშან და შარშანწინ ამ ოლიმპიადაზე ვერცხლის (ინფორმატიკაში) და ბრინჯაოს (მათემატიკაში) მედალები ავიღე. საერთაშორისო ოლიმპიადებზე მათემატიკაში ორი ბრინჯაო მაქვს მოპოვებული, ინფორმატიკაში – ერთი ბრინჯაო; რუმინეთის მასტერზე, მათემატიკაში – ბრინჯაო და ევროპის ახალგაზრდულ ოლიმპიადაზე – ვერცხლი; ეროვნულ ოლიმპიადაზე მათემატიკაში მაქვს პირველი, მეორე და მესამე ადგილები, ფიზიკაში – მესამე ადგილი.“ – ამბობს თეიმურაზ თოლორაია.

განსაკუთრებით სასიხარულოა ის ფაქტი, რომ მწვრთნელებს შორის გამართულ შეჯიბრში პირველი ადგილი ქართველმა პედაგოგებმა – ლელა მამულაშვილმა (მათემატიკა – ვეკუა) და მიხეილ სოსხვილმა (ფიზიკა – კომაროვი) მოიპოვეს, მესამე ადგილი კი ვახტანგ შეკიშვილმა (ინფორმატიკა – რაზმაძე), ლუკა სიზანიშვილმა (ფიზიკა – ვეკუა) და თეიმურაზ კალატოზმა (ფიზიკა – კომაროვი).



მათემატიკის, ფიზიკისა და ინფორმატიკის საერთაშორისო ოლიმპიადიდან 16 მედალით დაბრუნებულ მოსწავლეებსა და მათ პედაგოგებს შეხვდა და გამარჯვება მიულოცა განათლების მეცნიერების, კულტურისა და სპორტის მინისტრმა, მიხეილ ჩხენკელმა, ღონისძიებას ესწრებოდა საქართველოს პარლამენტის განათლების, მეცნიერებისა და კულტურის კომიტეტის თავმჯდომარე გენადი მარგველაშვილი.

„ძვირფასო ახალგაზრდებო, გვეამაყება თითოეული თქვენგანი! თქვენ ხართ ჩვენი ქვეყნის ინტელექტუალური განძი. ოლიმპიური მედალებით დაბრუნდით და ჩემთვის, ფაქტობრივად, ოლიმპიური ჩემპიონები ხართ! ასევე, მინდა მიულოლო მასწავლებლებს, რომლებმაც ძალიან გვასახელეს! მართლაც ბრწყინვალე შედეგები გქონდათ ყველას და მინდა ძალიან დიდი წარმატება გისურვოთ! ქართული ფიზიკა-მათემატიკური სკოლა ჩვენი ქვეყნის სავიზიტო ბარათი იყო ყოველთვის და ეს ტენდენცია უნდა შევინარჩუნოთ.“ – განაცხადა მინისტრმა და ახალგაზრდებს ისტორიული მედალოვების – ქუთაისის საერთაშორისო უნივერსიტეტის – შესახებ მიანოდა ინფორმაცია, იმავდროულად, ამ უნივერსიტეტის აკადემიურ ცხოვრებაში ჩართვა შესთავაზა: „თქვენნიირი ნიჭიერი ახალგაზრდებისთვის ქუთაისის საერთაშორისო უნივერსიტეტი ძალიან დიდი ასპარეზი იქნება“.

პრესტიჟულ საერთაშორისო სასწავლო ოლიმპიადებში საქართველოს გუნდების მონაწილეობას და ყველა საჭირო ფინანსურ ხარჯს საქართველოს განათლების, მეცნიერების, კულტურისა და სპორტის სამინისტრო უზრუნველყოფს.

ზუსტ და საბუნებისმეტყველო მეცნიერებებში შეჯიბრება, წლის განმავლობაში, რამდენჯერმე იმართება მსოფლიოს სხვადასხვა ქვეყანაში, სადაც ყოველთვის წარმატებით მონაწილეობენ ჩვენი ქვეყნიდან წარგზავნილები.

როგორც განათლების სამინისტროში აცხადებენ: „ბოლო წლებში განსაკუთრებით გაიზარდა ქართველი მოსწავლეების მიერ მიღწეული შედეგები როგორც ეროვნულ, ისე საერთაშორისო ოლიმპიადებში. ზუსტი და საბუნებისმეტყველო მეცნიერების განვითარება ჩვენი ქვეყნის ერთ-ერთი პრიორიტეტია, შესაბამისად, ფიზიკა-მათემატიკური სკოლების გაძლიერება, ამ სკოლების თანამედროვე ტექნიკითა და ლაბორატორიებით აღჭურვა ზრდის მოსწავლეებში მოტივაციას და ხელს უწყობს მათ დაინტერესებას მეცნიერებით“.



გზა ევროკავშირის მათემატიკის გაკვეთილზე გადის

„ჩემი სამშობლო საქართველოა, ქვეყანა ევროპისა და აზიის გასაყარზე. ზოგს ჰგონია, რომ ჩვენი ადგილი აზიაშია. ყველას გვსურს, რომ აზიასთან ვიმეზობლოთ, მაგრამ ევროპის განუყოფელი ნაწილი ვიყოთ. საქართველოში ოჯახი ძალიან ძვირფასი და წმინდაა. ჩემი ოჯახიც ტრადიციულია, ქართული, თუმცა საუკეთესო ქართული ტრადიციები თანხვედრაშია ევროპულთან. ევროპაც ხომ სამართლიანობას, ურთიერთპატივისცემას, ძლიერისგან სუსტის დაცვას ნიშნავს. ჩვენ დიდი ხანია გვსურს, რომ ევროპა ჩვენს ოჯახში იყოს და ჩვენც ევროპულ ოჯახში ვიყოთ.“ მიხარია, ასე რომ ფიქრობს საქართველოს მოსახლეობის 75,5% (2008 წელს ჩატარებული რეფერენდუმის შედეგები). კარგად მაქვს გაცნობიერებული, რომ მე, როგორც მშობელი, მასწავლებელი, საზოგადოების რიგითი მოქალაქე უნდა ვფიქრობდე და ვზრუნავდე საქართველოს, ჩვენი სამშობლოს წინსვლასა და წარმატებაზე. კარგად მესმის სად არის მისი ადგილი, მშვიდობიანი და წარმატებული ზვალინდელი დღისათვის. ისმის კითხვა: რატომ ევროკავშირი? რატომ ნატო? ერთხმად უნდა ვაღიაროთ, მას სხვა ალტერნატივა არ აქვს. ჩვენი ადგილია აქ, ჩვენი ქვეყნის მშვიდობიანი და წარმატებული წინსვლისათვის, რადგან ჩვენ, ქართველები, ფუტკრებით ვიმუშავებთ მშვიდობიან საქართველოში, დაცული იქნება ჩვენი სუვერენიტეტი და არ შეგვილახავენ თავმოყვარობას. კითხვა: თუ ევროპული ღირებულებების ხელშეწყობა, დემოკრატიული იდეების პოპულარიზაცია შეუძლია გეოგრაფიის, ისტორიის, სამოქალაქო განათლების, ქართული ენისა და ლიტერატურის მასწავლებლებს, სად არიან ამ დროს მათემატიკის მასწავლებლები? მათემატიკის სიღრმისეული ცოდნა, ევროკავშირის და ნატოს როლისა და მნიშვნელობის გააზრება, მათემატიკური აზროვნება და ლოგიკური მსჯელობა, მათემატიკურად სწრაფი მოქმედება და სწორი პასუხები – უკვე სწრაფი მოძრაობაა ევროპისკენ მიმავალ გზაზე.

პროექტის აღწერა და განხორციელება: პროექტის ფარგლებში ჩატარებული სხვადასხვა აქტივობები. მოკლედ მიმოვიხილავ თითოეულ მათგანს.




შემაჯავებელი მეცადინეობა მე-9 კლასში, თემაზე – „კვადრატული ფუნქცია და ევროკავშირი“.

მიზანი: კვადრატული ფუნქციის გამოკვლევა მისი გრაფიკის გამოყენებით; პრობლემის გადასაჭრელად საჭირო სტრატეგიების, კომუნიკაციის უნარ-ჩვევების გამოყენება-განვითარება + როგორ ვითარდება საქართველოს თანამშრომლობა ევროკავშირთან; საზოგადოების ინფორმირება და გააქტიურება.

გაკვეთილს ესწრებოდნენ სამოქალაქო განათლების, გეოგრაფიის, ქართული ენისა და ლიტერატურის მასწავლებლები. კლასი დაყოფილი იყო წყვილებად (მუშაობდა 14 წყვილი), თითოეულ წყვილს დაევალებოდა ჰქონდა თითო ამოცანა, რომელიც შედგენილი იყო ევროკავშირთან დაკავშირებულ თემატიკაზე – ევროკავშირის შექმნა, განვითარება და მნიშვნელობა. დასმულ კითხვაზე პასუხი შესაძლებელი იყო მათემატიკური ამოხსნის შემდეგ. გთავაზობთ ერთ ნიმუშს მოსწავლეების მიერ ამოხსნილი ამოცანებიდან: „საქართველო-ევროკავშირის ასოცირების შეთანხმება, რომლის პარაფირებას 2014 წლის 27 ივნისს მოეწერა ხელი, ბევრ ახალ შესაძლებლობას აძლევს საქართველოს. შეთანხმება ეს არის თავისუფალი ვაჭრობა ევროკავშირთან, რაც ნიშნავს ევროკავშირის ქვეყნებში საქართველოში წარმოებული ყველა პროდუქტის გატანას, საბაჟო გადასახადის გარეშე. ეს არის დაშვება 500-მილიონიან ბაზარზე, ეს არის გზა, რითაც ევროკავშირის 28 ქვეყანაში შეგაქვს შენი პროდუქტი, ეს არის უტარიფო ვაჭრობა 28 ქვეყანასთან, ეს არის შესაძლებლობა მოიძიო ინვესტიციები და გაზარდო ვაჭრობა“. საინტერესოა, მაინც რამდენ შესაძლებლობას აძლევს ასოცირების შეთანხმება საქართველოს, ამისათვის ვიპოვოთ $Y=X^2+X-2$ და $Y=(X+3)(X-4)$ ფუნქციათა გრაფიკების გადაკვეთის წერტილის კოორდინატები და გამოვთვალოთ X^2+Y+7 გამოსახულების მნიშვნელობა, სადაც X აბცისაა, ხოლო Y – ორდინატა. პრეზენტაციისათვის წყვილს ეთმობოდა 2-3 წთ. შემდეგ გაიმართა დისკუსია: რატომ ევროკავშირი? რას მოგვიტანს ევროკავშირი? რა მიგვაქვს ევროკავშირი? გაკვეთილი დასრულდა საღი აზრის გამარჯვებით: „ჩვენ გვინდა ევროკავშირის დიდი ოჯახის წევრობა“.

პროექტის ფარგლებში განხორციელებული აქტივობა: „ეკოლოგიური პრობლემები და საზოგადოება“. ავტორები მე-10 კლასის მოსწავლეები იყვნენ: დიანა ცივაძე, დიანა დიმიტრაძე და მარი დიმიტრაძე. ვადა: ორი თვე.

მიზანი: მოვავაროთ ეკოლოგიური პრობლემები, რომლებიც დიდი დაბრკოლებაა ჩვენთვის ევროპისკენ მიმავალ გზაზე; ცნობიერების ამაღლება საზოგადოებაში ეკოლოგიურ პრობლემებთან დაკავშირებით. პროექტი სამი მიმართულებით დამუშავდა: გარემოს დანაგვიანება და ჩვენი; ტყის ეკოლოგიური პრობლემები; შავი ზღვის ეკოლოგიური პრობლემები. მოსწავლეებმა მონაცემები შეაგროვეს როგორც მოსახლეობის გამოკითხვით, ასევე სოციალური ქსელის გამოყენებით, შემდეგ ააგეს სისხიურთა ცხრილი და სხვადასხვა სახის დიაგრამები. ჩატარდა პროექტის პრეზენტაცია, რის შედეგადაც მივიღეთ დალაგებული სკოლის შემოგარენი და დასუფთავებული ზღვის სანაპირო.



IX, X და XI კლასების მოსწავლეებისთვის ჩატარებული კონკურსი „მათემატიკური ამოცანებითა და მაგალითებით ევროპისაკენ“ (18 საკითხი). საკითხები შედგენილი და გათვლილი იყო საბაზო საფეხურისთვის. მიუხედავად ამისა, დიდი მონდობით ჩაერთნენ მე-11 კლასის მოსწავლეებიც. ვადა: 10 დღე. შერჩეული იყო კომისია, რომელმაც გამოავლინა და დააჯილდოვა პირველ, მე-2 და მე-3 ადგილზე გასული მოსწავლეები. გამარჯვებულად ითვლებოდა მოსწავლე, რომელიც: 1) დაიცავდა მაგალითისა და ამოცანის ამოხსნის ყველა ეტაპს; სწორად გამოიყენებდა მათემატიკურ დებულებებსა და ფორმულებს; გასცემდა სწორ და სრულყოფილ პასუხს

დასმულ კითხვაზე. 2) მოიფიქრებდა კრეატიულ პასუხს კითხვაზე: რას ველოდებით ქართველები ევროპელებისგან?

ჩატარებული ინტეგრირებული გაკვეთილი მე-10 კლასში, თემაზე „ნატო და ჩვენი“ (მათემატიკა, ისტორია).

მიზანი: წრფივ ორუცნობიან უტოლობათა სისტემის გრაფიკული ამოხსნის პრაქტიკული გამოყენება; კოორდინატთა მეთოდის დაუფლების ხარისხის ზრდა და ამ მეთოდის შესაძლებლობათა გამოვლენასა და სათანადო გამოყენებას + სწორი ინფორმაციის ფლობა და იმის ცოდნა, რას წარმოადგენს NATO, რა მიზნებს ემსახურება და როგორ ვითარდება მისი თანამშრომლობა საქართველოსთან.



ისტორიის მასწავლებელმა, ადა ნაკაიძემ, ისაუბრა ნატო-ს როლსა და მნიშვნელობაზე, პრეზენტაცია მომზადებული ჰქონდა PowerPoint-ში. ისეთ საკითხებსაც შეეხო, როგორიცაა: რამ განაპირობა ნატო-ს შექმნა; რას ნიშნავს „ცივი ომი“ და „რკინის ფარდა“; ამ პერიოდში ნატო-ს დანიშნულება – მშვიდობის უზრუნველყოფა აღმოსავლეთსა და დასავლეთს შორის; ბერლინის კედლის ნგრევით „ცივი ომის“ ხანა დასრულდა და ნატო-მ, თანამედროვე ეტაპზე, სხვა დანიშნულება შეიძინა. მინი-ლექცია დაასრულა მესიჯით – „ჩვენი სამშობლოს ნათელი მომავალი ევროპაზე გადის“.

მთავარი მესიჯი მაინც იყო, არის და იქნება: „განათლება არის საქართველოს გადარჩენის ერთ-ერთი შანსი“, სადაც მათემატიკა ერთ-ერთი მთავარი პრიორიტეტული კომპეტენციაა. შემდეგ ამოხსნა რამდენიმე ამოცანა, რომლებიც დაკავშირებული იყო ნატო-ს შექმნასა და გაფართოებაზე.

ერთი ნიმუში მოსწავლეების მიერ ამოხსნილი ამოცანებიდან: ნატო-ს მიმდინარე გაფართოების პროცესი არ წარმოადგენს საფრთხეს არც ერთი ქვეყნისთვის. გაფართოების მიზანი მდგომარეობს სტაბილურობისა და თანამშრომლობის ხელშეწყობაში, ერთიანი და თავისუფალი ევროპის მშენებლობაში, მშვიდობისათვის გაერთიანებაში, საერთო დემოკრატიული ღირებულებების ჩამოყალიბებაში. ნატო-ს კარილია ნებისმიერი სახელმწიფოსთვის, რომელიც მზადაა, წევრობისთვის საჭირო ვალდებულებები შეასრულოს და ევროატლანტიკურ სივრცეში უსაფრთხოების უზრუნველყოფას შეუწყოს ხელი. 1949 წლიდან ნატო-ს წევრ ქვეყანათა რაოდენობა, გაფართოების რამდენიმე საფეხურის გავლით, 12-დან 29 ქვეყანამდე გაიზარდა.

რომ გავიგოთ, რამდენი საფეხურის გავლით გახდა ნატო-ს წევრ ქვეყანათა რაოდენობა 29, ამისათვის საჭიროა ამოვხსნათ შემდეგი უტოლობათა სისტემა:

$$\begin{cases} X - 2Y \geq 0 \\ Y \leq 2 \\ X \geq 4 \end{cases}$$

შემდეგ შევკრიბოთ მიღებული წერტილის კოორდინატები (აბცისა და ორდინატა) და ჯამი გავადიდოთ ერთით. პასუხიც მზადაა.

გაიმართა დისკუსია – რას მოგვიტანს ნატო? რა გვიშლის ხელს ნატო-სკენ მიმავალ გზაზე? დასკვნა ასეთია: ვიცით საქართველოს ისტორია, მისი ღირებულებები; ქართველი ხალხის ძლიერი მხარეები; ვეუფლებით მათემატიკას; ვაზროვნებთ ლოგიკურად; არ ვეჭვავით სხვისი ზეგავლენის ქვეშ, გზა ხსნილი გვაქვს NATO-სკენ.

ფართო საზოგადოებისთვის მე-10 კლასის მოსწავლემ, ბესიკ კენჭაძემ მოამზადა და ჩატარა პრეზენტაცია თემაზე „მითები ევროკავშირის, NATO-ს შესახებ და რეალობა“. პრეზენტაციის შემდეგ გაიმართა დისკუსია, კითხვა-პასუხის რეჟიმში, რომელშიც მონაწილეობდა დამსწრე საზოგადოების დიდი ნაწილი. შედეგად არ დააყოვნა – დაიმსვრა ბევრი მითი.

ფიქრობ, ეს პროექტი იძლევა მრავალჯერადი გამოყენების საშუალებას, ვიქნებით სულ ახალი ინფორმაციის ძიებაში და ყოველ სიახლეს მოსწავლეებს მივანოდებთ, ეროვნული სასწავლო გეგმით გათვალისწინებული მათემატიკის საკითხების შესწავლასთან ერთად. დემოკრატიული პრინციპებისა და ეროვნული ღირებულებების პოპულარიზაციასთან ერთად, მოსწავლეები გაიმეორებენ და განიმტკიცებენ მათემატიკურ ცნებებსა და დებულებებს, ნატო-სა და ევროკავშირის შესახებ ფაქტებსა და თარიღებს. შედეგად ესაა – მათემატიკის გაკვეთილზე, მათემატიკის სწავლასთან ერთად, ევროკავშირისა და ნატო-ს შესახებ ცნობადობის ამაღლება და ევროპული ღირებულებების დამკვიდრება.

მერი ჭაჭარაძე

სსიპ ჯემალ ქათამაძის სახელობის ქობულეთის მუნიციპალიტეტის სოფელ ციხისძირის საჯარო სკოლის მათემატიკის წამყვანი მასწავლებელი



სწავლის მეთოდი

ფლუმის ორი მოდელი – წერიტი უნარების გასაუმჯობესებელი საინტერესო გზა

სასწავლო სივრცეში ხშირად გვეხვება ფრაზები: „წერა ყველაზე მეტად უჭირთ ჩვენს მოსწავლეებს“; „როდესაც ყველა მოსწავლის ინტერესის გათვალისწინება და ჩართვა გაკვეთილზე, მით უმეტეს, თუ კლასი მრავალრიცხოვანია“; „ზეპირმეტყველებაში მოსწავლეთა უმეტესობა უკეთეს მარჯვენა ხელს ალწევს, ვიდრე წერით მეტყველებაში...“ – ეს და კიდევ ბევრი მსგავსი ფრაზა ფაქტობრივად ემთხვევა იმ შედეგს, რომელიც PISA-ს კვლევებმა დაადასტურა.

როგორც ვიცით, PISA საერთაშორისო კვლევაა, რომელიც ამომწებ 15 წლის მოზარდების მზობას, გაუმკლავდნენ ყოველდღიურ გამოწვევებს იმ ცოდნისა და უნარების გამოყენებით, რომლებიც სკოლაში მიიღეს. ეს ის ასაკია, როცა მოსწავლეები თითქმის ასრულებენ სავალდებულო განათლების კურსს.

PISA-ს მიზანს არ წარმოადგენს, შეამოწმოს, რამდენად კარგად აითვისებს მოსწავლეებმა უშუალოდ სკოლის პროგრამა, არამედ იკვლევს, რამდენად კარგად არიან მოსწავლეები მომზადებული საზოგადოებრივ ცხოვრებაში აქტიური და სრულფასოვანი ჩართულობისთვის. Naec.ge-ს თანახმად, საქართველოში, ამ კვლევის ფარგლებში, შეფასდა 5 572 მოსწავლე და 326 სკოლა.

ორი თვის წინ ჩავერთე ერთ საინტერესო ქართულ-დანიურ პროექტში. დანიურ-ქართული თანადგომისა და პარტნიორობის პროექტის „საქართველოს პედაგოგთა და მეცნიერთა თავისუფალ პროფკავშირში განათლების პოლიტიკის ფორმირების, ადვოკატირებისა და სკოლის განვითარების ხელშეწყობის“ ფარგლებში, გავეცანი დანიელი კოლეგების გამოცდილებას, ინტერაქტიული სწავლების რამდენიმე მეთოდს, რომელთა შორის საკმაოდ საინტერესო აღმოჩნდა წერის ორი მოდელი. მათი გამოყენება შესაძლებელია ყველა საგანში, ყველა თემაზე, ამავედროულად, ადვილია ამ მოდელების გაერთიანება სხვა წერით სავარჯიშოებთან და, რაც მთავარია, იძლევა წერის კულტურის გაუმჯობესების საშუალებას; ამ მეთოდებით შესაძლებელი გახდა იმ მოსწავლეების გააქტიურებაც კი, რომელთაც ყველაზე მეტად ჰქონდათ ხელი ჩაქნული თემების წერასა და გაანალიზებაზე; დაკვირვების პროცესში მასწავლებლებს ვთხოვეთ, ჩაენიშნათ როგორ იმუშავებდა აღნიშნული მეთოდები და საკმაოდ საინტერესო უკუკავშირი მივიღეთ, ერთხმად აღნიშნავენ მეთოდების დადებით მხარეს: ერთი უჩველვით მარტივი დავალება ადვილად „იჩყუებს“ მოსწავლეებს, შესაძლებელი გახდა თემის ამომწურავად გაანალიზება, თანაც წერის ამ მოდელების გამოყენება შესაძლებელია გაკვეთილის პირველ და მეორე ფაზაზე.

მოდელი შექმნა ნორვეგიის უნივერსიტეტის ლექტორმა, კარლ შენრიკ ფლუმმა.

პირველ მოდელს ეწოდება **ფლუმის 5 კუთხის მეთოდი**, რომელიც გამოიყენება ყველა საგანში და ყველა სახის წერით სამუშაოზე. თითოეული დავალება სამი ნაწილისგან შედგება, შედეგად კი ვიღებთ სულ ხუთ აბზაცს: 1. შესავალი ნაწილი, სადაც მთავარი თემა არის წარმოდგენილი; 2. სამი ნაწილი, რომელიც უკავშირდება მთავარ აზრს; 3. ბოლო ნაწილი, დასკვნის ან შინაარსის სახით.

მივყვეთ თანმიმდევრულად: **პირველ ეტაპზე**, ვთხოვთ მოსწავლეებს, დაწერონ სამი სიტყვა, რომელიც ასოცირდება შესასწავლ ან შესწავლილ თემასთან. ამისთვის მივცეთ 2 წუთი; **მეორე ეტაპზე**, მოსწავლეებმა აღნიშნული სამი სიტყვა უნდა განავრცონ სამ ნინადადებად; **მესამე საფეხური** შესავალი და დასკვნითი ნინადადეგების შექმნა იქნება; **მეოთხე ნაბიჯი** მიღებული ხუთი ნინადადების ხუთ აბზაცად

განვრცობაა. ეს სამუშაოს ძირითადი ნაწილია და ყველაზე მეტ დროს მოითხოვს;

მესუთე, დასკვნით ეტაპზე მოსწავლეებს ვთხოვთ, გადახედონ საკუთარ ნამუშევარს და გაასწორონ შეცდომები.

შესავალი ნინადადებით მკითხველისთვის უნდა წარმოადგინონ თემა. დასკვნითი ნინადადებით კი, თავი მოუყარონ ყველაზე საინტერესო ინფორმაციას.

ურჩიეთ მოსწავლეებს, ახსნან და დაასაბუთონ, რა უნდადათ ეთქვათ თითოეული ნინადადებით.

შესწორების დროს მოსწავლეებს ურჩიეთ დააკვირდნენ, როგორ დააკვირდნენ:

- ნინადადება ნინადადებასთან;
- აბზაცი აბზაცთან;
- ქვეთავი ქვეთავთან;
- მსჯელობა თემასთან;
- მაკავშირებლები გამოიყენეს თუ არა სწორად;
- ბოლოს კი, შეიტანონ ძირითადი შესწორებები: სასვენი ნიშნები, გრამატიკული ნაწილი და სხვა.

აქვე უნდა აღვნიშნო, რომ ამ მოდელის გამოყენება ყველა საგანში ვცადეთ და, დაწყებითი საფეხურიდან საშუალო საფეხურის ჩათვლით, შესანიშნავი შედეგი მივიღეთ. მოსწავლეები აღნიშნავენ, რომ გაუიოლდათ წერა, ადვილად ახერხებენ მთავარი ინფორმაციის ამოკითხვას და გაანალიზებას, ისწავლეს, როგორ ჩამოაყალიბონ პოზიცია არგუმენტირებულად.

მეორე მოდელს ეწოდება **ფლუმის 7 კუთხის მეთოდი** და გამოიყენება აკადემიური წერისთვის, როდესაც ბლუმის ტაქსონომიის მიხედვით გვინდა შევფასოთ მოსწავლეთა სააზროვნო უნარები.

რა ეტაპები უნდა გავიაროთ ამ დავალების შესასრულებლად?

- მოსწავლეებს სთხოვეთ, სწრაფად ჩამოწერონ (დაახლოებით 5 წუთში) ყველაფერი, რაც იციან თემის შესახებ;
- მთავარი გზავნილი ერთ ნინადადებაში უნდა მოაქციონ;
- ურჩიეთ, მოიფიქროთ ერთფრაზიანი მთავარი კითხვა;
- იქვე ჩამოწერონ რამდენიმე ალტერნატიული შეკითხვა;
- სთხოვეთ, მიუტრიანდნენ თანაკლასელებს და იმსჯელონ, სწორად შეარჩიეს თუ არა კითხვები;
- მოსწავლეებმა შეარჩიონ თემასთან დაკავშირებული კიდევ რამდენიმე კითხვა;
- ბოლო ეტაპზე კი, წერილობით ახსნან და იმსჯელონ კონკრეტული კითხვის არჩევანის შესახებ.

განვიხილოთ ეს მოდელი კონკრეტული მაგალითის საფუძველზე:

- წერენ სწრაფად, 5 წუთში**
ა. მოსწავლეებს სთხოვეთ, პირველ მსოფლიო ომსა და ადოლფ ჰიტლერზე დაწერონ, 5 წუთში, ნინადადები. არ გადაამოწმონ, არ შეჩერდნენ, არ დაუბრუნდნენ შესასწორებლად.
ბ. მთავარი ამოცანაა, რომ რაც იციან ამ საკითხის შესახებ, ის წერილობით გადმოსცენ სპონტანურად.
გ. თუ პრობლემებს წააწყდებიან, მიანიშნეთ, რომ აქცენტი გააკეთონ ყველაზე მნიშვნელოვანზე.
- ახსნან მთავარი აზრი ერთი ნინადადებით!**
მიუთითეთ, რომ დაიწყოს ასე:
 - „იმისი თქმა მინდა, რომ...“
 - „მინდა ავხსნა, რომ...“
 - „ჩემი მთავარი მიზანია...“
 - „აქ მთავარია...“
 - „ამ საკითხზე ვიჭირობ, რომ...“გააფრთხილეთ, რომ ფრაზები არ იყოს ძალიან გრძელი. ასეთ

შემთხვევაში, შეიძლება ფოკუსი დაიკარგოს.

3. მთავარი არის რომ დავცან, დასვან კითხვა...

პირველად წაშალონ ფრაზა – „იმისი თქმა მინდა რომ...“ დარწმუნდნენ ნინადადებას მისცენ კითხვის ფორმა. თუ ნინადადება რთულია, დაყონ, გაამარტივონ. შეიძლება მაკავშირებლებიც ამოიღონ. ურჩიეთ, იფიქრონ მარტივად. თუ არ არიან საკუთარი ნამუშევრით კმაყოფილები, ცოტა ხანი დატოვონ როგორც არის.

4. ალტერნატიული კითხვები

- ამ ეტაპზე უნდა დაწერონ ალტერნატიული კითხვები;
- ეცადონ კითხვა იყოს მარტივი, დასვან რაც შეიძლება ადვილი შეკითხვა;
- უნდა გამოიყენონ ისეთი კითხვითი სიტყვები, როგორებიცაა: ვინ? რა? რატომ? როგორ? რომელი? სცადონ, გამოიყენონ კითხვის დასმის ისეთი ფორმა, რომელიც დაეხმარებათ უფრო ადვილად მიიღონ პასუხი;
- სულ მცირე, დასვან 3 საპასუხო კითხვა – კითხვები დაყონ არსის მიხედვით.

5. მსჯელობა და შეფასება

- მიუბრუნდნენ პარტნიორს და გაუზიარონ ერთმანეთს კითხვები;
- იმსჯელონ ერთად, ამოარჩიონ საუკეთესოები და შეაფასონ, რატომ არის ესა თუ ის კითხვა უკეთესი?

6. ამოირჩიეთ!

- მოსწავლეებს მიუთითეთ, არჩევანი გააკეთონ, მათი აზრით, საუკეთესო ალტერნატიულ კითხვებს შორის, რომელთა მიხედვითაც განაგრძობენ მუშაობას;
- კითხვის ფორმულირებას ათანხმებენ გვერდით მჯდომთან;
- განაზღვრენ შერჩეულ კითხვებს. მაგ., ხაზი გაუსვან ან მონიშნონ, შემდეგ კი, გადაიტანონ ფურცლის დასაწყისში ან ახალ გვერდზე;

7. განმარტებები

- უნდა განმარტონ რატომ მიანიჭეს უპირატესობა იმ კონკრეტულ შეკითხვას, დაასაბუთონ როგორ პასუხობს მათი არჩევანი თემას;
- წერითი ფორმით ხსნიან რამდენიმე წუთში, ან ინყებენ სამი მთავარი სიტყვით (ზუსტად ისე, როგორც ამას 5-კუთხა მოდელის შემთხვევაში ვაკეთებთ).

შედეგი: ჩვენს მოსწავლეებს უკვე ექნებათ გამოკვეთილი მთავარი არსი, გზავნილი და დასაბუთება.

ამ ორი მეთოდის სისტემატური გამოყენებით, ცოტა ხანში, დაინახავთ შედეგს: თქვენი მოსწავლეები არ „შეუშინდებიან“ წერით სამუშაოებს, უფრო თავდაჯერებულები გახდებიან, ნელ-ნელა დიდი მოცულობის სამუშაოს უპრობლემოდ შესრულებასაც შეძლებენ. და რაც ყველაზე მნიშვნელოვანი და ღირებულია, ისინი იაზროვნებენ! რაც უფრო ხშირად მივცემთ მოსწავლეებს აზროვნებისა და ურთიერთთანამშრომლობაზე დაფუძნებული დავალებების შესრულების საშუალებას, მით უფრო მეტად დავეხმარებით XXI საუკუნისთვის აუცილებელი უნარ-ჩვევების ჩამოყალიბებაში.

სარო სარძიანი

სსიპ გარდაბნის მუნიციპალიტეტის სოფელ ლემშენიერას საჯარო სკოლის ქართული ენისა და ლიტერატურის მასწავლებელი

გამოყენებული ლიტერატურა:
„საქართველოს პედაგოგთა და მეცნიერთა თავისუფალ პროფკავშირში განათლების პოლიტიკის ფორმირების, ადვოკატირებისა და სკოლის განვითარების ხელშეწყობის“ სემინარის ფარგლებში მოწოდებული მასალა.

ინფორმაცია

გამყოფი ხაზის მოსაზღვრედ მცხოვრები სტუდენტები დაფინანსდნენ

საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრებ 1600-ზე მეტი სტუდენტის სწავლას სახელმწიფო აფინანსებს. ამისათვის საქართველოს განათლების, მეცნიერების, კულტურისა და სპორტის სამინისტრომ, 2019-2020 სასწავლო წელს, 4 000 000 ლარი გამოყო.

სამინისტრო 2013 წლიდან ახორციელებს აკადემიური უმაღლესი განათლების პირველ და მეორე საფეხურზე ჩარიცხული, გამყოფი ხაზის მიმდებარე სოფლებში მცხოვრები, დაზარალებული სტუდენტების დაფინანსებას. პროგრამის ფარგლებში ფინანსდებიან გორის, კასპის, ქარელის, ხაშურის, დუშეთის, ონის, საჩხერის, წალენჯიხისა და ზუგდიდის მუნიციპალიტეტებში, საქართველოს ოკუპირებულ ტერიტორიებთან გამყოფი ხაზის მიმდებარე სოფლებში (ზუგდიდის მუნიციპალიტეტის სოფლები: რუხი, რიყე და ხურჩა), მცხოვრები დაზარალებული სტუდენტები.

ოკუპირებული ტერიტორიების მოსაზღვრე სოფლებში მცხოვრები ახალგაზრდები სახელმწიფოსგან, ახლა, დასაქმების მიმართულებით გააქტიურებასაც ითხოვენ. **ქეთევან დაბურუნდაშვილი** ერთ-ერთია იმ სტუდენტთაგან, ვისაც სახელმწიფო სწავლის საფასურს სრულად უფინანსებს. იგი გორის რაიონის სოფელ ნიქოზში ცხოვრობს და ერთი წელია, თბილისის ივანე ჯავახიშვილის სახელმწიფო უნივერსიტეტის ბიზნესის ადმინისტრირებისა და მენეჯმენტის სპეციალობაზე სწავლობს მაგისტრატურაში. ქეთევანი ამბობს, რომ ძალიან კმაყოფილია, უმაღლეს სასწავლებელში სწავლის შესაძლებლობა რომ აქვს, სახელმწიფო დაფინანსებით. თუმცა, იმასაც აღნიშნავს, რომ მართალია, თვითონ დასაქმებულია, სწავლის პარალელურად,

მაგრამ ძალიან ბევრი ახალგაზრდაა დაუსაქმებელი და კარგი იქნებოდა, სახელმწიფო ამით დასაქმების პროგრამებსაც თუ შეესაბამებდა.

ქეთევან ციხელაშვილი, საქართველოს სახელმწიფო მინისტრი შერიგებისა და სამოქალაქო თანასწორობის საკითხებში, ამბობს, რომ სტუდენტთა მზარდი დინამიკა ცალსახად მიანიშნებს იმაზე, რომ მოსახლეობა, მიუხედავად ძალიან მძიმე მდგომარეობისა, რადგან მავთულხლართების პირისპირ უწევთ ცხოვრება, არა თუ ტოვებს სოფლებს, არამედ, მაგრადებიან საკუთარ მიწაზე, ბრუნდებიან მშობლიურ სოფლებში და ამ სკოლებში კიდევ უფრო მეტი ბავშვი დადის, სახელმწიფო კი, თავის მხრივ, ცდილობს, მათ გვერდში დაუდგეს.

ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტების დაფინანსების პროგრამა ორ უნივერსიტეტზე ვრცელდება, სწავლის საფასური აუნაზღაურდებათ იმ ბაკალავრებს და მაგისტრანტებს, რომლებიც ივანე ჯავახიშვილის სახელობის თბილისის სახელმწიფო უნივერსიტეტსა და ზუგდიდის უნივერსიტეტში ჩაირიცხებიან. თსუ-ს რექტორი აცხადებს, რომ ძირითადი ნაკადი მათთან გააგრძელებს სწავლას. პროგრამის ფარგლებში, რეგიონებიდან ჩამოსულ ახალგაზრდებს საერთო საცხოვრებლის ხარჯებიც აუნაზღაურდებათ.

გიორგი შარვაშიძე, ივანე ჯავახიშვილის სახელობის თბილისის სახელმწიფო უნივერსიტეტის რექტორი: „ჩვენ შემთხვევაში, სტუდენტებს სრულ მომსახურებას ვთავაზობთ, გვაქვს საერთო საცხოვრებელი, ამასთანავე, შეგვიძლია, მოვამზადოთ იმ მიმართულებებით, რომელიც აინტერესებთ და შემდგომ უკვე

თავად შეუძლიათ განსაზღვრონ თავიანთი გზა, რა დისციპლინას აირჩევენ სტუდენტობისთვის.“

სახელმწიფო საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრებ თითოეულ სტუდენტს, სასწავლო გრანტის სრული ოდენობის ფარგლებში, 2250 ლარით აფინანსებს.

განათლების მინისტრის მოადგილე **ნუნუ მიცკევიჩი** იმედს გამოთქვამს, რომ ეს არ იქნება მხოლოდ სრული დაფინანსებები, ეს სტუდენტები ნაწილობრივ სასწავლო გრანტებსაც მოიპოვებენ და, შესაბამისად, მათ უკვე მაღალი აკადემიური მოსწრება ექნებათ, რაც საშუალებას მისცემს კიდევ უფრო მეტ სტუდენტს, არსებული ბიუჯეტის ფარგლებში, მოიპოვოს შესაბამისი გრანტი, სახელმწიფოს მხარდაჭერის საფუძველზე.

განათლების სამინისტროს ინფორმაციით, ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტების დაფინანსების პროგრამა 7 წელია მოქმედებს. 2013 წლიდან დღემდე ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტების დაფინანსების სტატისტიკა მზარდია: 2013 წელს სახელმწიფომ 471 სტუდენტი დააფინანსა, წელს კი მათი რიცხვი 1600-ზე მეტი იქნება. უკანასკნელი 7 წლის განმავლობაში სახელმწიფომ, ჯამში, 7000-ზე მეტი სტუდენტის სწავლა დააფინანსა და 15 მილიონ ლარზე მეტი დახარჯა. სამინისტროში აცხადებენ, რომ მზად არიან, ყოველწლიურად, სტუდენტების მზარდ დაინტერესებას შესაბამისად უზაპუხონ და, საქართველოს შემთხვევაში, ხარჯი გაზარდონ.

სწავლაის მეთოდი

გსურთ, ისწავლონ?! და, ითავაშონ!

მე მიყვარს თამაში... და, ვთამაშობ...
დარწმუნებული ვარ, თქვენც გიყვართ თამაში... და თამაშობთ...

მით უფრო, ბავშვებს... მათ უყვართ თამაში... და თამაშობენ კიდევ!

თამაშით შეიცნობენ სამყაროს, დაბადებიდანვე. აგებენ „სახლებს“, „სხვადასხვა კონსტრუქციებს“... არიან „მასწავლებლები“, „დედები“, „მამები“, „ექიმები“, „ბიზნესმენები“, „ჭკუის დამრიგებლები“... და თამაშისთვის არ სჭირდებათ სტიმული, მათთვის თამაშია თვითონ მასტიმულირებელი, გარე სამყაროს აღსაქმელად. თამაშით ბევრ რამეს სწავლობენ, ძალდაუტანებლად და ხალისით. „ბავშვს აქვს თამაშის ინტერესი და ეს ინტერესი უნდა დაკმაყოფილდეს. მას არა მარტო უნდა მიეცეთ დრო თამაშისათვის, არამედ უნდა დავტვირთოთ თამაშით მთელი მისი ცხოვრება“ (მაია ინასარიძე – „ვაქციოთ სწავლა სახალისო პროცესად“, ჟურნალი „მასწავლებელი“ №4, 2014).

სწავლება და შემეცნება საინტერესო და სახალისო რომ გავდეს, მნიშვნელოვანია, სწავლების სხვადასხვა სტრატეგიებით და მეთოდებით ერთად, გამოვიყენოთ სწავლის ემოციურ-მოტივაციური სტრატეგიები და სწავლების აქტიური მეთოდები. მათ შორის ერთ-ერთი მნიშვნელოვანი ადგილი უჭირავს სწავლების პროცესში თამაშის ტექნიკის გამოყენებას. თამაშს განსაკუთრებული როლი აქვს არა მარტო შემეცნების მხრივ, არამედ სწავლების პროცესს დადებით მუხტს და ენერჯის აძლევს და მოსწავლეს დადებით განწყობას უქმნის.

მოსწავლეთათვის სწავლა, უმეტესად, „მოსაწყენია“, მაგრამ სწავლების პროცესისადმი შემოქმედებითი მიდგომა („სწავლა ხელოვნებაა...“) პროცესს საინტერესოს და მიმზიდველს ხდის. როცა სწავლების პროცესის ცენტრში მოსწავლე დგას, მნიშვნელობა აქვს არა მარტო იმას, რა ცოდნა დააგროვებს მათ, არამედ როგორ, რატომ ისწავლეს, რა უნარები გამოიმუშავეს, როგორ შეიძლება მიღებული ცოდნის ახალ, საგაკვეთილო პროცესისგან განსხვავებულ სიტუაციაში გააზრებულად და სწორად გამოიყენება. ყოველთვის ეს სულ მაფიქრებდა და მსურდა, მოსწავლეებისთვის შემეთავაზებინა ისეთი რამ, რაც მათთვის მამოტივირებელი, საინტერესო, ამავე დროს, მიზნობრივი იქნებოდა, რა თქმა უნდა, ეროვნული სასწავლო გეგმიდან გამომდინარე. გამიჩნდა იდეა, მოსწავლეთა და მასწავლებელთა ერთობლივი ძალისხმევით, მომემზადებინა ღონისძიება, რომლის საფუძველი საგანთა ინტეგრაცია იქნებოდა, ამავე დროს ღონისძიება უნდა ყოფილიყო ორიგინალური, საინტერესო, შემეცნებითი და მიზნობრივი. მსურს წარმოვიდგინო ჩვენი თამაში:

გსურთ, ისწავლონ?! – დაე, ითამაშონ!
ახლ ამავე ერთი თამაშისა

ეს თამაში ყველასთვის კარგად ცნობილი სატელევიზიო თამაშის „ბოიარდის ციხესიმაგრე“ ფორმატისაა, სახელწოდებით „მეცნიერებათა ციხესიმაგრე“. მუშაობაც დაიწყო. მოსწავლეებს და მასწავლებლებს შორის შესაძლებელი ურთიერთთანამშრომლობით ატმოსფერო შეიქმნა. ერთობლივი ძალისხმევით შევიქმნეთ პროექტის ფორმა, სტრუქტურა, აქტივობები. მამ, ასე, სკოლის შენობაში განთავსებულია კაბინეტები, რომლებიც, პირობითად, წარმოადგენენ ციხესიმაგრეებს: „ქართული“, „ფიზიკა“, „გეოგრაფია“, „საორტდარბაზი“, „კომპიუტერი“ და „მათემატიკა“. თითოეული მათგანის „აღებას“ შეეცდებიან მოსწავლეები. ციხესიმაგრის სახელწოდების შესაბამისი საგნის მიხედვით, მოსწავლეებს სთავაზობენ საინტერესო ამოცანებს, რომელთა ამოხსნაში მათ დაეხმარება არა მარტო მითითებულ საგანში შექმნილი ცოდნა, არამედ მათემატიკის სწავლებისას მიღებული ცოდნაც. მას შემდეგ, რაც მოსწავლეები შეძლებენ ამოცანის ამოხსნას, მოიპოვებენ მინიშნებას, რომელიც მათ მთავარი მიზნის – ციხესიმაგრე „მათემატიკის“ აღებაში დაეხმარება. თუ როგორ, მოსწავლეებისთვის ეს საოცარი ნაბიჯი იქნება. ყველაფერი ნათელი ხდება მას შემდეგ, რაც ისინი ციხესიმაგრე „მათემატიკაში“ აღმოჩნდებიან; თითოეულ „ციხესიმაგრეში“ მოსწავლეებს მეგზურობას ხელმძღვანელი მასწავლებელი უწევს.

მოსწავლეები იმყოფებიან ციხესიმაგრეში „ქართული“. მოტივაციის ამაღლების მიზნით, მასწავლებელი მიმართავს მოსწავლეებს: გიყვართ ქართული? გიოქრიათ, რა კავშირია იგი მათემატიკასთან? (აღმოვაჩინოთ ეს კავშირი – თუ მოსწავლეები იტყვიან „კი“; შევეცადოთ აღმოვაჩინოთ ეს კავშირი – თუ იტყვიან „არა“).

მოსწავლეებს სთავაზობენ თვალსაჩინოებებს, რომლებზეც განლაგებულია ნაწყვეტი „ვეფხისტყაოსნიდან“, წარწერა – „გიორგი წერეთელი, ლეონარდო და ვინჩი“, ხეოფსის პირამიდის სურათი, რიცხვები: 0,6; 1,6; 8/5; 5/8; და ა.შ. მამ ასე! კითხვა მოსწავლეებს – „ამ საკითხით მათემატიკოსები უძველესი დროიდან დაინტერესდნენ, გამოჩენილმა მხატვარმა საოცარი სახეი და-

არქვა, მას ღვთაებრივსაც უწოდებდნენ, იყენებენ ხელოვნებასა და არქიტექტურაში, მუსიკასა და პოეზიაში“ – რაზეა საუბარი? როგორ უკავშირდება ერთმანეთს თვალსაჩინოებაზე წარმოდგენილი მასალები? რა შუაშია აქ მათემატიკა და ქართული? **სწორი პასუხი:** შეკითხვაში საუბარია ოქროს კვეთის შესახებ. ლეონარდო და ვინჩი შემოილო ტერმინი „ოქროს კვეთა“; ლუკა პაჩოლიმ ღვთაებრივი პროპორცია უწოდა; გიორგი წერეთელმა დაამტკიცა, რომ შოთა რუსთაველის „ვეფხისტყაოსნის“ 863 სტროფი დაწერილია ოქროს კვეთის პრინციპით. ოქროს კვეთის პროპორციის გამოყენებით რიცხვია 0,6 და 1,6... სწორი პასუხის დაფიქსირების შემთხვევაში, მოსწავლეები მოიპოვებენ მინიშნებას, წინააღმდეგ შემთხვევაში – არა.

შემდეგ გაემართებიან ციხესიმაგრეში „ფიზიკა“, სადაც მათ ნარუდგენენ მეტად საინტერესო ამოცანას, რომელიც ნამდვილად საბუნებისმეტყველო გამოწვევაა, მაგრამ ლოგიკური გამოდინარეობაა. მოსწავლეთა მოტივაციის ამაღლების მიზნით, მასწავლებელი მიმართავს: ძველ საბერძნეთში ჩამოყალიბდა და განვითარდა მეცნიერების შესანიშნავი დარგი – ლოგიკა. ის მართლაც საოცარი რამაა! ლოგიკაში ყოველი დასკვნა გარკვეულ ნაწამდღერებს ეფუძნება და მას არ აინტერესებს ამ ნაწამდღერების მართებულება, არამედ გამართული მსჯელობა, რომლის საფუძველზეც გამოდინარეობს ეს დასკვნა.

მასწავლებელი: ძალს რქები ეზრდება?
მოსწავლელი: (გაკვირვებით პასუხობდა): არა.
მასწავლებელი: 3 მეტია 4-ზე?
მოსწავლელი: რა თქმა უნდა, არა.

მასწავლებელი: ახლა განვიხილოთ წინადადება – „თუ ძალს რქები ეზრდება, მაშინ 3 მეტია 4-ზე“. ეს წინადადება ტყეშმარტია, იყო პასუხი.

მასწავლებელი: მამსადაამე, ეს წინადადება ემყარება გარკვეულ ნაწამდღერებს, რომლის ტყეშმარტობაც სრულებით არ არის აუცილებელი, მაგრამ ამ ნაწამდღერებიდან გამომდინარეობს დასკვნა, რომლის ტყეშმარტობაც ცალსახად თვალსაჩინოა.

მოსწავლეები ინტერესით ელიან, რა დავალება შესთავაზებენ მათ. მასწავლებელი: გთავაზობთ გამოჩენილი ბერძენი მეცნიერის ლოგიკურ მსჯელობას: „ამოცნით საყრდენი წერტილი და დედამიწას აწევი!“ კითხვა მოსწავლეებს – შეძლებდა თუ არა არქიმედე დედამიწის აწევას? **სწორი პასუხი:** ლოგიკურად ეს გამოუხატავს სწორად, მაგრამ მეცნიერების თვალსაზრისით კი მცდარი, რადგან მას შემდეგ, რაც მოსწავლე გამოიყენებს მექანიკის „ოქროს წესს“ და ბერკეტის ნონასწორობის პირობებს, გამოთვლების ჩატარების პროცესში, მოსწავლეებს სჭირდებათ სტანდარტული ფორმით ჩანერგილი რიცხვებზე მოქმედების ჩატარება, რაშიც მათემატიკის გაკვეთილებზე მიღებულ ცოდნას გამოიყენებდნენ და დაადგენდნენ, რომ არქიმედე ბერკეტით დედამიწის აწევას ვერ შესძლებდა. სწორი პასუხის დაფიქსირების შემთხვევაში, მოსწავლეები მოიპოვებენ მინიშნებას, წინააღმდეგ შემთხვევაში – არა.

შემდეგ ეტაპზე მიემართებიან ციხესიმაგრისკენ „კომპიუტერი“. მასწავლებელი: მინიშნების მოსაპოვებლად ჩვენ ვეწვევით ჯადოსნურ ოთახს, სადაც თქვენ წინაშე ადამიანის უდიდესი აზროვნებისა და შემოქმედების ნიმუში, რომელიც დიდი ინტერესით იზიდავს როგორც პატარა ბავშვს, მოზარდსა თუ მოზარდს, ასევე ასაკოვან ადამიანებსაც კი. მოსწავლეები აღმოჩნდებიან ოთახში, სადაც კომპიუტერებია. დავალება მოსწავლეებს: „ჩატარე საჭირო გამოკითხვა თემაზე – „საყვარელი ორნიშნა რიცხვი“. გამოიყენე კომპიუტერული პროგრამა და შეადგინე დიაგრამა გამოკითხვითი ინტერესების გთვალისწინებით და გააფურადე ეს დიაგრამა ცისარტყელას ფერებით“. **სწორი პასუხი:** ჯგუფის წევრები ჩატარებენ საჭირო გამოკითხვას (მათ ირგვლივ არიან არა მონაწილე მოსწავლეები და დანტერესებული პირები, ჯგუფის წევრებს საშუალება აქვთ, იქვე ჩატარონ გამოკითხვა). უნდა გამოიყენონ კომპიუტერი და შეასრულონ დავალება. დავალების სწორად შესრულების შემთხვევაში, მოსწავლეები მოიპოვებენ მინიშნებას, წინააღმდეგ შემთხვევაში – არა.

მასწავლებელი მიმართავს ჯგუფის წევრებს: ახლა გონებრივი განტვირთვისთვის მოვემზადდეთ, პატარა ტაიმ-აუტი ავიღოთ და ახალი ციხესიმაგრის ასაღებად გავეშუროთ. აქ თქვენ, მინიშნების მოსაპოვებლად, არა გონებრივი, არამედ ფიზიკური შესაძლებლობა გამოგადგებათ. მოსწავლეები გაემართებიან ციხესიმაგრისკენ „სპორტი“. დავალება მოსწავლეებს: აცოცდნენ ბავარზე, რაც შეიძლება მცირე დროში და მოიზარონ ბავარის ბოლოში მოთავსებული მინიშნება. დავალების სწორად შესრულების შემთხვევაში, მოსწავლეები მოიპოვებენ მინიშნებას, წინააღმდეგ შემთხვევაში – არა.

შემდეგ გაემართებიან ციხესიმაგრისკენ „გეოგრაფია“. მას-



მაია ჩახიანი
სსიპ ცაგერის მუნიციპალიტეტის სოფელ ალაზნის საჯარო სკოლის მათემატიკის წამყვანი მასწავლებელი

წავლებელი, მოტივაციის ამაღლების მიზნით, მიმართავს მოსწავლეებს: საქართველოს რუკა თითოეული ჩვენგანისთვის მეტად საამაყო და საუკეთესოა. რამდენჯერ გადაგივილია თვალი საქართველოსთვის, მისი მხარეებისთვის, ქალაქებისთვის, იმ სოფლებისთვის, რომელიც მხოლოდ ჩვენთვისაა ცნობილი და გვიცნობია – აგვიყვანა „...სულ ზევით, მაღლა და მაღლა...“ და დავგანახა ზემოდან ჩვენი გულისოდენა, მაგრამ გულიანი საქართველო, პატარა, მაგრამ მაინც დიდი საქართველო, დაჭრილი, მაგრამ ფესვმაგარი და ფეხზე მდგარი საქართველო... აბა, ბავშვებო, კიდევ ერთხელ გადავავლოთ თვალი საქართველოს რუკას, გეოგრაფიას, მათემატიკას და... დავალება მოსწავლეებს: „გამოიყენეთ საქართველოს რუკა და გამოთვალეთ წრფივი მანძილი თქვენთვის სასურველ ორ ქალაქ შორის“. **სწორი პასუხი:** მოსწავლეებმა, მასშტაბის და მათემატიკური გამოთვლების გამოყენებით, უნდა შეძლონ დავალებისთვის პასუხის გაცემა. სახაზავის გამოყენებით გაზომვეთ მანძილს რუკაზე, ორ ქალაქ შორის, შეუსაბამებენ რუკის მასშტაბს და მათემატიკური გამოთვლებით დაადგენენ რეალურ მანძილს. დავალების სწორად შესრულების შემთხვევაში, მოსწავლეები მოიპოვებენ მინიშნებას, წინააღმდეგ შემთხვევაში – არა.

მოსწავლეები პირობითი ციხესიმაგრებიდან ხელდამშვენებულები ბრუნდებიან და მიემართებიან მთავარი ციხესიმაგრისაკენ „მათემატიკა“. დიდი ინტერესით ელიან, რაში გამოადგებათ და როგორ გამოიყენებენ მოპოვებულ მინიშნებებს. ციხესიმაგრეში „მათემატიკა“ მათ სთავაზობდა სხვადასხვა სააზროვნო დონის (ბლუმის ტაქსონომიის მიხედვით) შესაბამის დავალებებს, თემაზე – „გრაფთა თეორიის ელემენტები“. სიურპრიზი სწორედ ის არის, რომ წინა აქტივობებში მოპოვებულ მინიშნებებზე ამ დავალებისთვის პასუხები და ამოხსნები მოცემულია, რომელთა მეშვეობითაც პასუხის გაცემა გაცილებით გაუადვილებათ. ჯგუფის წევრებმა გახსნეს მოპოვებული მინიშნებები, დაახარისხეს, მინიშნებაზე მოცემული პასუხები წარმოადგენს კითხვებს შეუსაბამეს. ისინი კმაყოფილი და გახარებული იყვნენ სიურპრიზით. მოპოვებული მინიშნება ძალიან გამოადგათ და დაეხმარათ სწორი პასუხების გაცემაში.

მნიშვნელოვანი იყო ის, რომ მოსწავლეებმა გააცნობიერეს და აღმოაჩინეს ქართულის, ფიზიკის, გეოგრაფიისა და საინფორმაციო ტექნოლოგიების საგნობრივ დისციპლინებში მიღებული ცოდნის მათემატიკასთან კავშირი. ამ პროექტის მომზადება და განხორციელება, რა თქმა უნდა, მოკრძალებული მცდელობაა ამ კავშირების დასახსნად და ის სრულად ვერც წარმოაჩენს ამ კავშირებს, მაგრამ მოსწავლეებს დააფიქრებს და სხვა თვალთ დაანახებს სწავლის მიზნებს, იმას, რომ „მათემატიკა ხელს უწყობს ადამიანის გონებრივი შესაძლებლობების განვითარებას. იგი იძლევა ეფექტურად, ლაკონურად და არაორაზროვან კომუნიკაციის საშუალებას. მათემატიკის გამოყენებით შესაძლებელია რთული სიტუაციის თვალსაჩინო წარმოჩენა, მოვლენების ახსნა და მათი შედეგების განჭვრეტა“ (ეროვნული სასწავლო გეგმა. საგნობრივი პროგრამა მათემატიკაში).

აღნიშნული თამაში წარმატებული აღმოჩნდა მოსწავლეებისა და მასწავლებლებისთვის. განხილვისა და საბოლოო შეფასების შემდეგ, მნიშვნელოვანი დასკვნა გამოვიტანე: თამაშის ტექნიკის გამოყენება ძალიან ღირებულია, ამავე დროს, დიდ სიამოვნებას, სიხარულსა და დაუფინყარ წუთებს ჩუქნის მოსწავლეებს და არა მარტო მათ... იმავედროულად, მოსწავლე ცდის თავის შესაძლებლობებს და უნარებს, დამოუკიდებლად განკარგავს მათ მინის მოხსნაზე; მობილიზებას უწყობს შემეცნების ცოდნას, ახდენს ამ ცოდნის სტრუქტურირებას, რათა იაზროვნოს ლიმიტირებული დროის პირობებში სწრაფად და, ამავე დროს, სწორად.

მამსადაამე, გსურთ, ისწავლონ თქვენმა მოსწავლეებმა? დაე, ითამაშონ!

ინფორმაცია

სტუდენტური სამეცნიერო პროექტის მონაწილეება კვლევა დაიწყო

საქართველოს იუსტიციის სამინისტროს ეროვნული არქივის სტუდენტური პროექტის მონაწილეებმა ჩვენი ქვეყნის 1918-1921 წლების ისტორიის ამსახველი საარქივო კომპლექტის შესწავლა დაიწყეს.

ეროვნული არქივის მკვლევართა დარბაზში ისინი, 14 იანვრიდან 17 მარტამდე, იმუშავებენ შემდეგ თემებზე:

- **ირმა ჭანტურია** – „ქალთა საკითხი საქართველოს დემოკრატიულ რესპუბლიკაში“;
- **რადი კობახიძე** – „ადგილობრივი თვითმმართველობა საქართველოს პირველ რესპუბლიკაში“;
- **ალექსანდრე ბიძინაშვილი** – „სახელმწიფოსა და ეკლესიის ურთიერთობა საქართველოს პირველ დემოკრატიულ რესპუბლიკაში“.

პროექტის მიზანია 1918-1921 წლების საქართველოს ისტორიის უცნობი ან ნაკლებად ცნობილი საკითხების შესწავლა, დასკვნების გამოტანა და გააზრება; იმ სტუდენტთა ნახალისება, რომლებსაც საქართველოს პირველი რესპუბლიკის ისტორიის კვლევის სურვილი აქვთ. პროექტის ხელმძღვანელი ეროვნული არქივის სამეცნიერო განყოფილების თანამშრომელი, ისტორიკოსი **დიმიტრი სილაქაძე**.

პროექტში მონაწილეობის მსურველთათვის კონკურსი 2019 წლის ნოემბერში გამოცხადდა. შეირჩა სამი სტუდენტი: ირმა ჭანტურია – თბილისის ივანე ჯავახიშვილის სახელობის სახელმწიფო უნივერსიტეტი, ჰუმანიტარულ მეცნიერებათა ფაკულტეტის ისტორიის მიმართულების მესამე კურსის სტუდენტი; რადი კობახიძე – თბილისის თავისუფალი უნი-

ვერსიტეტის საერთაშორისო ურთიერთობების სკოლის მესამე კურსის სტუდენტი; ალექსანდრე ბიძინაშვილი – თბილისის ივანე ჯავახიშვილის სახელმწიფო უნივერსიტეტის ჰუმანიტარულ მეცნიერებათა ფაკულტეტის ისტორიის მიმართულების II კურსის (ბაკალავრიატი) და თბილისის სასულიერო სემინარიის II კურსის (ბაკალავრიატი) სტუდენტი.

მუშაობის დასრულების შემდეგ, სტუდენტები საკუთარი ნაშრომების პრეზენტაციას გამართავენ, ამასთანავე, ეროვნული არქივის ვებგვერდზე გამოქვეყნდება კვლევების ელექტრონული ვერსია.

სტუდენტურ პროექტს 2018 წელს ჩაეყარა საფუძველი და წელს უკვე მესამედ ტარდება. ღონისძიება ამჯერად საქართველოს ეროვნული არქივის 100 წლის იუბილეს ეძღვნება.

სკოლა და მოზაიკა

ნაკითხული წიგნის განხილვა მოზაიკაში ჩართულობით

ნილო სურმაკას „უკულმა ბიჭი“



ნილო სურმაკა
ქობულეთის მუნიციპალიტეტის ჯემალ ქათამაძის სახელობის ციხისძირის საჯარო სკოლის დანწყებითი კლასების მენტორი მასწავლებელი

მშობლები ხშირად საუბრობენ საკუთარი შვილების როგორც მომავალზე, ასევე აწმყოზე. მომავალში მათ სურთ, დაინახონ შვილები ჯანმრთელები და წარმატებულები. როდესაც საუბარი შვილების აწმყოზე, ხშირად ხდება ბავშვების კონკრეტული ქცევის დახასიათება. მაგალითად, სურთ: შვილები კარგად მოიქცენ, კარგად ისწავლონ, არ ილაპარაკონ ხმაზე, არ დაანაგვიანონ ოთახი და მრავალი სხვა, „არ შეარცხვინონ!“.

ბავშვი უნდა იცავდეს ქცევის იმ წესებს, რომლებიც მიღებულია კონკრეტულ საზოგადოებაში, სიტუაციაში, ოჯახში.

თუ ბავშვი, ამა თუ იმ მიზეზის გამო, არღვევს ამ წესებს, მისი ქცევა მიუღებელი, არასასურველი, რთული ან პრობლემური ხდება. ბავშვის ე.წ. არასასურველი ქცევის მართვას ხშირად მოსდევს ბევრი მუქარა, შენიშვნა, მოთხოვნა, რომელიც ნათქვამია ბრძანებით, ბავშვის გრძობების გაზიარების გარეშე, ან პირიქით, ნათქვამია თხოვნით, მუდარით. ორივე შემთხვევაში, სასურველი შედეგის მიღწევა რთულდება. აღნიშნულმა ქმედებამ, შეიძლება იმ წუთში შეაჩეროს მიუღებელი ქცევა, მაგრამ ეს დროებითი შედეგია და არასასურველი ქცევა აუცილებლად სხვა დროსაც იჩენს თავს და შეიძლება უფრო მძაფრი გამოხატულებით.

უფროსები ცდილობენ პასუხის გაცემას კითხვაზე – როგორ ავირიდოთ მსგავსი ქცევა თავიდან? ამ საკითხთან დაკავშირებით განსხვავებული აზრები, შეხედულებები და ქმედებებია. წიგნის „უკულმა ბიჭი“ განხილვის მიზანი იყო, გარდა იმისა, რომ მოსწავლეებს მხატვრული ლიტერატურის კითხვას ვაჩვენო, ნაკითხულის გააზრების, მსჯელობისა და დასკვნის გამოტანის უნარებს ვუვითარებდი, მშობელთა თანამშრომლობის გზით (მონაწილეობით), აღზრდის მეთოდების შესახებ გვემსჯელა, მოსწავლეთა შეხედულებებისა და დამოკიდებულებების გაანალიზებით კი, გაგვეთავისებინა რთული ქცევის მართვის მიგნებები.

მოსწავლეებმა დამსწრე საზოგადოებას გააცნეს ტექსტი, სხვადასხვა სქემის გამოყენებით, შეძლეს ტექსტის გააზრება და საკუთარი მოსაზრებების ჩამოყალიბება. მშობელთა ჩართულობით გამართეს დისკუსია აღზრდის მეთოდების შესახებ. პატარები ამტკიცებდნენ, რომ უფროსები მათ არ უსმენენ, არ აინტერესებთ რას ფიქრობენ, რას განიცდიან ან რა აწუხებთ; მშობლების აზრით, შვილები ყოველთვის უნდა იქცეოდნენ ისე, როგორც მათ მოსწონთ, ეს კი უსამართლობაა. პერსონაჟების ხასიათისა და თავისებურებების უკეთ გააზრების მიზნით, დამსწრე საზოგადოებასა და მოსწავლეებს

შევთავაზე აქტივობა „ცხელი სკამი“. ისინი ცდილობდნენ, მოერგოთ პერსონაჟების ხასიათი და ეპასუხათ საინტერესო და აქტუალურ კითხვებზე.

„ცხელ სკამზე“ უფროსებიც დასხდნენ და მოიგეს დიტოს დედის, მამის, ბების, ბაბუს როლები; „ცხელ სკამზე“ დაჯდა სკოლის ექიმიც, პატარები დაინტერესდნენ, როგორ მოიქცეოდა ის მსგავს შემთხვევაში? ერთობლივი დისკუსიისა და მოსწავლეთა მოსაზრებების ანალიზის შედეგად, გამოიკვეთა შემდეგი: 1) ბავშვებს არ მოსწონთ დასჯა („დედა კარგია იმიტომ, რომ არ დასაჯა დიტო“).

2) ბავშვებს სჭირდებათ სტიმილი რთული ქცევის მართვისთვის („ბიძამ ბურთი რომ მიყიდა, იმიტომ გამოვსწორდი“).

3) ბავშვის ინტერესებს სჭირდება ყურადღება და გათვალისწინება („ადრე რომ ეყიდათ ბურთი, აუცილებლად გამოვსწორებოდი“).

4) ბავშვს თვითონაც არ მოსწონს რთული ქცევა („მე ჩემად ვტიროდი, მშობლები რომ ნერვიულობდნენ“).

5) ბავშვები აფასებენ საკუთარი ინტერესების გათვალისწინებას („ბიძამ იცოდა, რომ მიყვარდა ფეხბურთი და ამიტომაც მიყიდა ბურთი“).

6) ბავშვების ინტერესების აკრძალვა პატარებზე ცუდად მოქმედებს და უფრო მეტად უბიძგებს რთული ქცევისკენ.

მშობლები და დამსწრე საზოგადოება მოსწავლეთა მსჯელობამ დააფიქრა, გაცემული უსმენდნენ, უკვირდნენ რა გზით თამამად, გამართულად გამოთქვამდნენ საკუთარ აზრსა და დამოკიდებულებას. გაკვეთილი „სამოქალაქო განათლების“ პედაგოგმა შეაჯამა და მშობლებს მოუწოდა: უფრო მეტი სიყვარულით, გაგებითა და თანადგომით მოექცნენ პატარებს, გაითვალისწინონ მათი ინტერესები, მისწრაფებები, ემოციები და განცდები, რადგანაც დასჯა გამოსავალი არ არის. ხშირად აკრძალვა მოზარდებზე ცუდად მოქმედებს და მათ უფრო მეტად აგრესიულებს ხდის.

ინფორმაცია

ფოლკლორი, რობორს სწობიერება

ყოველი ერის სულიერების სიღრმე, მითოლოგიური საზომით, ხალხის სიბრძნე განსაზღვრავს. სულმნათი აკაკი წერეთლის სიღრმისეული რწმენით, ანდაზა კითხვაც არის, პასუხიც და გონივრული კრიტიკაც. დღესდღეობით უფრო მეტად ვართ მოვალეც და პასუხისმგებელიც, მამა-პაპათა გონს ვაზიაროთ ახალგაზრდობა და აზროვნების კვალი დავტოვოთ მათ ცნობიერებაში.

საჩხერის მოსწავლე ახალგაზრდობის სახლის (დირექტორი – ბერკა დეკანოიძე) კლუბის „თავთუხეები“ (ხელმძღვანელი – ნანი ენუქიძე) გამორჩეული ტრადიცია ფოლკლორის ჟანრის დღესასწაული, რომელიც საუკეთესო, ეროვნული სულიერებისაკენ მიმავალი ნაბიჯებია. „თავთუხეებს“ სჯერათ, რომ უანდაზვოდ სიკეთე შეჩერდება. მათ სიკეთის სამყაროში იმოგზაურეს მუნიციპალიტეტის საჯარო სკოლებში პროექტით – „მოგზაურობა სიკეთის სამყაროში“. თეატრალიზებულად გაა-

ცოცხლეს ანდაზა, როგორც სიკეთით აღსავსე პერსონაჟი: „რასაც დასთეს, იმას მოიმიკი“, „ჯერ დაფიქრე და მერე თქვი“, „ხერხი სჯობია ღონესა, თუ კაცი მოიგონებსა“, „მადლი ჰქენი, ქვაზე დადე, გაიარე, წინ დაგხედება“, „ნუ დასცინი სხვასო, გადაგხედება თავსო“, „ზოგი ჭირი მარგებელია“, „სულელს ნურც ნურას ჰკითხავ და ნურც დაუჯერებო“, „სახელის გატეხას, თავის გატეხას სჯობიაო“.

გონივრული მსჯელობა საინტერესოდ წარმოადგინეს „თავთუხეებმა“ ლანა ბახტურიძემ, ნინო ნამგლავამ, თამარ გაბაძემ, თამარ იაკობიძემ, ნიკა ჩხეიძემ, მარიამ ზინკლავილიმ, იაკო თეზელაშვილიმ. ღონისძიება მიმზიდველი იყო სოფელ სარეკის, ქორეთის, მახათაურის, გ/არგვეთის, გორისის, იტავაზის, საირხის, მოძვის, პერევის სკოლების მოსწავლეებისა და მასწავლებელთათვის. მასპინძლებმა თავიანთი შეკრებილი გამოცანები თქვეს, ასევე, ლექსები და ანდაზები „ბებიას სიკვირიდან“.



მოსხენებები წაიკითხეს ნანი ენუქიძემ, მზია დეკანოიძემ, ია დარბაიძემ; საორგანიზაციო საქმეს ხელმძღვანელობდა მოსწავლე ახალგაზრდობის სახლის მასობრივი ღონისძიებების უფროსი სპეციალისტი შორენა კურტანიძე. მოგზაურობა ფოტო და ვიდეომასალებით გაამდიდრეს შორენა კურტანიძემ და გიორგი გრძელიშვილიმ.

„თავთუხეებმა“ მოსწავლეებს სამახსოვროები გადასცეს; კლუბებს, პედაგოგებს – სიგელები და მადლობის ბარათები.

განსაკუთრებული გამოძახილი ჰქონდა საჩხერის მეორე საჯარო სკოლის (დირექტორი – ლიკა გომართელი) V2 და VI1 კლასების მოსწავლეთა შემოქმედებას (რუსუდან სისვამე, პაპუნა ჩხეიძე, ირაკლი იაკობაშვილი, დემეტრე ლობჯანიძე, ნუცა ზაბახიძე, ნუცა ფალავანდიშვილი, დანი დაუშვილი, თათია ტალახაძე, ვაკო ცუციტიანი, გვანცა ბაქრაძე, ელენე სადუნიშვილი, ნინო ყიფიანი, გიორგი შუბითიძე.

„კლუბის „თავთუხეები“ ხელმძღვანელი ფოლკლორის ქეშმარიტი მოამბეა. ოთხი ათეული წლის მანძილზე, ის ხალხური გენიის დამნებია, გამორჩეულია მისი საქმიანობა, გავიწყებს წყენას, თვალწინ გიდგამს მშვენიერს და ამღვლებულს – ქართული სულის დემონსტრირებას – ქართულ ფოლკლორს, სიბრძნითა და სიკეთით გამორჩეულს.“ – ასეთია მახათაურის, გ/არგვეთის, სარეკის, ქორეთის, საირხის, პერევის, მოძვის, გორისის, იტავაზის სკოლების დირექტორთა და პედაგოგთა შეფასებები.



მზია დეკანოიძე
საჩხერის №2 საჯარო სკოლის ქართული ენისა და ლიტერატურის უფროსი მასწავლებელი, მოსწავლე ახალგაზრდობის სახლის კლუბ „თავთუხეების“ საპატიო წევრი

მშობლებსა და შვილებს შორის ურთიერთობის პრობლემა

„მე რომ შენი ხნის პიყავი...“, ანუ მშობლებისა და შვილების ურთიერთობის პრობლემა

მშობლებსა და შვილებს შორის ურთიერთობა ყველა დროში არსებობდა და არსებობს დღესაც. შვილები სხვა თაობის ხალხია, მშობლები – სხვა თაობისა და სწორედ ეს ინვესტაცია აზრითა და პირისპირებას, შეუთავსებლობას, ანუ ის, რაც მოსწონთ ახალგაზრდებს, არ მოსწონთ მშობლებს და პირიქით. მშობლები დაკავებული არიან საკუთარი საქმიანობით, კარიერული წინსვლით და სულ უფრო ნაკლებად დრო რჩებათ შვილებთან ურთიერთობისთვის, მოუცვლელი იმიჯები, უმრავლესობა უკმაყოფილოა საკუთარი შვილების სწავლით, აკრიტიკებს მათ მოქმედებებს. მშობლები, ასევე, ცდილობენ დაიმორჩილონ შვილები, აკონტროლებენ მათ ყოველ ნაბიჯს, თითოეულ მოქმედებას, აზრებსაც კი და ვერც კი აცნობიერებენ, რომ ამით ბავშვი შეიძლება სულ სხვა პიროვნებად აქციონ, სულ სხვა მიზნები და ფასეულობები ჩამოუყალიბონ. რაც უფრო შებოჭილია ბავშვი, მით უფრო მეტად უჩნდება თავისუფლების სურვილი, რაც აკრძალულია, ის უფრო საინტერესოა. აკრძალული ხილი უფრო გემრიელია, ამბობენ და მართალიცაა. მშობლის ზედმეტმა კონტროლმა შეიძლება ბავშვს ცუდი საქციელისკენ უბიძგოს და ის გააკეთებინოს, რისი გაკეთების სურვილი არც კი გაუჩნდებოდა. ბავშვის ფსიქიკა ძალიან ნაზია და შეიძლება ელემენტარულმა უსამართლო მოქმედებამაც დაარღვიოს ფროიდის აზრით, ესა თუ ის ტრავმა ადამიანის ცხოვრებაში ინახება და არ ნაიშლება, ელოდება პირობას, რომ გახდეს აქტიური. ეს ტრავმა ცნობიერებაში დამახინჯებული სახით გამოიყვანება, მაგალითად, ნარკომანებში, მანიაკებში და ა.შ.

თავის მხრივ, შვილებს არ მოსწონთ საკუთარი მშობლები, პირად ცხოვრებაში ჩარევას, კონტროლსა და მანიპულაციების, სკანდალებისა და საყვედურების გამო. თუმცა, არიან ისეთი მშობლებიც, რომლებიც ფეხს უწყობენ თანამედროვე ცხოვრებას და მწვავედ არ განიცდიან იმ ცვლილებებს, რომლებიც ახალმა თაობამ მოიტანა. მათ რიცხვს, უმეტესად, ახალგაზრდა მშობლები მიეკუთვნებიან. ყველა ოჯახში მშობელსა და შვილს შორის არსებული ურთიერთობა თავისებურად განსხვავებული და ინდივიდუალურია. ხშირია კონფლიქტები, რომლებსაც ხშირად საავალალო შედეგებამდე მივყავართ. ბავშვები ზოგჯერ ისეთ რამეს აკეთებენ, რისი პატივაც ძნელია მშობლების მხრიდან, მაგრამ საქმე ისაა, რომ ბავშვის საქციელს ხშირად მიუძღვნება ახსნა. აღზრდის პროცესში გათვალისწინებული უნდა იყოს ბავშვის ინდივიდუალური თავისებურებები, ყველაფერი გააზრებულად და თანმიმდევრულად უნდა მოხდეს, რადგან პრობლემის საფუძველი შვილებისა და მშობლების „სამეტყველო ენათა“ სხვაობაა, რისი საფუძველიც ინდივიდუალური პრიორიტეტება სხვაობა და ამა თუ იმ საკითხის განსხვავებული კუთხით ხედვაა. ზოგადად, ეს პრობლემები ასე შეგვიძლია დავაჯგუფოთ: გამოვეყოფთ მშობლების რამდენიმე ტიპს:

პირველი ტიპი – ავტორიტარული მშობლები

ასეთ ოჯახში უფროსის სიტყვა კანონია. ბავშვი მკაცრ პირობებში იზრდება, ვალდებულია მშობლის ყველა მითითება უსიტყვოდ შეასრულოს, წინააღმდეგ შემთხვევაში, მკაცრ სასჯელს ვერ ასცდება. ამ ტიპის ოჯახებში იშვიათია მოფერება, შექება, უშუალო, თბილი და ახლო ურთიერთობები. არის შემთხვევები, როდესაც მშობელს თქვენობითაც მიმართავენ. ეს ყველაფერი ბავშვის ფსიქოლოგიაზე აისახება. ის ყალიბდება ცივ, ნაკლებად ემოციურ, ჩაკეტილ და ადამიანად ხალხთან ურთიერთობისას უჭირს სიამოვნების მიღება, შესაძლოა ბოროტი მიზნებიც დაისახოს და საკუთარი უსიამოვნო გრძნობების პროეცირება სხვაზე მოახდინოს.

მეორე ტიპი – ავტორიტატული, იმიჯ დამოკარბული მშობლები

ეს ე.წ. იდეალური ოჯახის ტიპს წარმოადგენს. მშობლებსა და შვილს შორის ურთიერთგაგება და მეგობრობა სუფევს. ბავშვს აქვს უფლება, საკუთარი აზრი დააფიქსიროს, იგრძნოს სიტყვისა და ემოციის გამოხატვის თავისუფლება ოჯახში და შეუძლია განვითარდეს ისე, როგორც ჯანმრთელ, ნორმალურ ბავშვს შეეფერება. თუმცა, არსებული თავისუფლების მიუხედავად, ბავშვის ყოველ ქცევაში აისახება მშობლის ავტორიტეტი და მისდამი პატივისცემა. ასეთ ოჯახში გაზრდილი ბავშვები კომუნიკაბელურები, ზრდილობიანები, კონკურენტუნარიანები, მზიარელები და მეგობრულები არიან.

მესამე ტიპი – ლიბერალი მშობლები

ამ შემთხვევაში, ბავშვს იმაზე მეტი უფლება ენიჭება, ვიდრე ასაკის მიხედვით ეკუთვნის. მშობლებს არ შესწევთ ძალა, შეენიხადმდეგონ შვილის დაუინებულ მოთხოვნებს, ბავშვი ხვდება ამას და უფრო და უფრო ინტენსიურად აგრძელებს ზენოლას მშობლებზე. შედეგად, ოჯახის მმართველი ძალა ხდება ჭირვეული შვილი. ასეთი ბავშვები მაღალი თვითშეფასებით, სიამაყით, ლიდერობის მოთხოვნილებით ხასიათდებიან და ხშირად უჭირთ მეგობრების შექნა.

მეოთხე ტიპი – ზემოწინა მშობლები

ეს მშობლები გასაქანს არ აძლევენ შვილებს, ყოველ ფეხს ნაბიჯს უკონტროლებენ, რათა დარწმუნდნენ, რომ ყველაფერი კარგად არის და გვემის მიხედვით მიდის. შედეგად, ბავშვები ეჩვენებიან გადამეტებულ მზრუნველობას, დამოკიდებულებას ხდებიან მშობლებზე და მათ გარეშე მარტივი გადაწყვეტილების მიღებაც კი უჭირთ. ამის გამო, ხშირად (ძირითადად ბიჭებს), მათ სკოლაშიც დაცინიან და მასხრად იგდებენ. მომავალში ასეთ ბავშვებს უჭირთ დამოუკიდებელი ცხოვრების დაწყება და მშობლის შემცველს მეუღლეში ეძებენ. ხშირად

ისინი ცხოვრების ბოლომდე ვერ ახერხებენ სხვაზე დამოკიდებულების მოთხოვნილებისგან თავის დაღწევას. ამის საპირისპირო მაგალითია

მეხუთე ტიპი – ბულბრილი მშობლები

ეს ის შემთხვევაა, როდესაც მშობლები მეტისმეტად დაკავებული არიან საკუთარი კარიერული საქმიანობით და დიდად არ ადარდებთ შვილის მდგომარეობას. ბავშვის კითხვებს და თხოვნებს მარტივად, ზედაპირულად ისტუმრებენ და მისი პირადი ემოციებით არ ინტერესდებიან. ისინი, ბავშვის აღზრდად, უმეტესად, მომვლელს ქირობენ, თვითონ კი დესერტივით არიან, შვილებს იშვიათად აქვთ მათი „მიღების“ საშუალება, თუმცა მაინც ყველაზე მეტად უყვართ ისინი. აღზრდის ეს სტილი ბავშვს არასასურველობის გრძნობას უჩენს, უყალიბდება არასრულფასოვნების კომპლექსი, რომელიც, უმეტესწილად, ცხოვრების ბოლომდე განსაზღვრავს მის ქმედებებს.

ნათელია, რომ ბავშვის ქცევასა და მის ზრდა-განვითარებაზე უდიდეს გავლენას ახდენს აღზრდის ტიპი და დამოკიდებულება მშობლების მხრიდან. ასე რომ, ყოველთვის, როდესაც მშობლები შვილის უდისციპლინო ქცევის გამო ჩივიან, უმჯობესია, დაფიქრდნენ, თვითონ ხომ არ არიან ამ ქცევის მიზეზი. მშობლებისა და შვილების ურთიერთობის საკითხთან დაკავშირებით, სასურველია, მშობლები გაეცნონ ბავშვთა ფსიქოლოგიის, ჰაიმ ჯ. ჯაინოტის წიგნს „მშობლები და შვილები“, რომელიც გამოქვეყნებისთანავე ბესტსელერიც ხდება. ეს წიგნი აუცილებლად უნდა წაიკითხოს ყველა მშობელმა, რომელსაც სურს შვილის აღზრდის პროცესში, ნაკლები ძალისხმევით ფასად, მეტი შედეგი მიიღოს. წიგნი ისეთმა მშობელმაც უნდა წაიკითხოს, რომელიც ამჩნევს, რომ უჭირს ბავშვთან ყოველდღიურ ურთიერთობაში ნამოჭრილი პრობლემების მართვა და ისეთმაც, ვინც განიცდის, რომ შვილის მიმართ უფრო მეტ რისხვას ამჟღავნებს, ვიდრე სიყვარულს. ეს წიგნი გახდება პრაქტიკული სახელმძღვანელო ყველა მშობლისთვის, რომელიც ცდილობს, ნაკლები შეცდომა დაუშვას ბავშვის აღზრდის რთულ საქმეში, რადგან ამ წიგნიდან ყველა ტიპის მშობელს შეუძლია მიიღოს მარტივი და ამომწურავი რჩევები, აღზრდასთან დაკავშირებული ყოველგვარი კონკრეტული შემთხვევის შესახებ.

ასევე, მშობლებს ვურჩევდი გაეცნონ დორის დორიეს რომანს „სასწაულს ხელი გაუწოდე“. რომანში, ერთი მხრივ, იხატება თავისუფალი ქალი, ინგრიდი, ჰიპური წარსულით და მისი ქალიშვილი, უცნაური სახელით – ეიფელ (დედამ სწორედ საზოგადოების მიმართ პროტესტის ნიშნად დაარქვა ქალიშვილის ეს სახელი). მათი ურთიერთობა წარმოაჩენს თაობათა შორის განსხვავებულობასა და დაპირისპირებას, რომელიც ვერ დაიძლევა, რადგან თანამედროვეობა თითქოს ყველანაირად უბიძგებს ადამიანებს არა დაახლოებისკენ, არამედ დაშორებისკენ. რომანში ნამოჭრილია მშობლისა და შვილების გაუცხოების პრობლემა და აღწერილია ის გარემო, რომელშიც მოზარდს უნევს სამყაროს შეცნობა და განვითარება, შეცდომების, დაცემისა და ნამოდგომის გზით, ცხოვრებაში საკუთარი ადგილის მოპოვება და თავისი წილი ბედნიერების შექმნა. მწერალი, ამ რომანით, მკითხველს აჯერებს, რომ სასწაული აქვეა, ოღონდ მის დასანახად გონებისა და სულის თვალის ახლოა საჭირო, ამიტომაც უნერგავს წრმენასა და გამბედაობას, რომ ხელი გაუწოდონ სასწაულს – სიყვარულს, რომელსაც სამყაროს შეცვლა და მარადიულ დღესასწაულად ქცევა შეუძლია. რომანის ნაკითხვის შემდეგ, მკითხველს მსუბუქ მოგონებად დარჩება სიმღერის სიტყვები: „არ დაილალო, სასწაულს ყოველთვის ჩუმადა, როგორც ჩიტს, ხელი გაუწოდე“.

ბავშვის აღზრდა ხელოვნებაა, რაც იმას ნიშნავს, რომ ბავშვს უნდა ასწავლო სწორად აღიქვას და შეაფასოს ესა თუ ის მოვლენა, რომელიც განსაზღვრავს მის ცხოვრებისეულ გზას. ყველაზე მნიშვნელოვანი ადამიანის ცხოვრებაში სამი რამ არის: რწმენა, იმედი და სიყვარული. მათ შორის კი, ყველაზე მნიშვნელოვანია სიყვარული, რომელსაც დედა უნერგავს ბავშვს აღზრდის პროცესში. კვლევებმა აჩვენა, რომ შვილები, რომლებიც აღზრდილი არიან ზომიერ ფარგლებში, ატარებენ დადებით თვისებებს და წარმატებულნი არიან, ხოლო შვილები, რომლებიც ძალიან მკაცრად იზრდებიან, ხდებიან კრიმინალები ან ხშირად ცხოვრებას თვითმკვლელობით ასრულებენ.

- რამდენიმე პრინციპი, როგორც უნდა იყოს მშობელი:
- მშობელს მუდამ უნდა ახსოვდეს, რომ ის მაგალითია შვილისთვის, ამიტომ უნდა ეცადოს, სხვადასხვა პრობლემის მიუხედავად, სილაღე და წონასწორობა შეინარჩუნოს.
- ოჯახში თუ ერთმანეთს პატივს არ სცემენ, მოზარდი უხეში, კარჩაკეტილი და ბოღმიანი ხდება.
- ბავშვმა არასოდეს არ უნდა იგრძნოს, რომ მშობელი დაბნეულია ან ეშინია, თორემ მას წინააღმდეგობრივი გრძნობა უჩნდება.
- მშობლების მიერ ნათქვამი ტყუილი ცუდ გავლენას ახდენს შვილებზე, ისინი ამით ავტორიტეტს იღებენ შვილებთან.

ფსიქოლოგ რუსიკო ბერიძის აზრით, პირველი კრიზისი, რომელიც ხდება მშობლებსა და შვილს შორის, 3 წლის ასაკიდან იწყება. ეს არის პირველი სიჯიუტის ასაკი, როდესაც ბავშვი მიიჩნევს, რომ უკვე დიდია. ითხოვს იმას, რომ რაღაც-რაღაცები დამოუკიდებლად აკეთოს, ამ დროს, მშობლებისთვის, ბავშვი ძალიან პატარაა და არ ანებებენ შვილს გააკეთოს რაც მას უნდა. ამ ასაკს ეთხვევა საბავშვო ბაღში წაყვანა. როდესაც მშობელს ბავშვი, პირველად, იძულებით მიჰყავს ბაღში, პატარას ჰგონია, ხშირ შემთხვევაში, ის იმიტომ წაიყვანეს, რომ თავისი დამოუკიდებლობით შეაწუხა მშობლები,

ინყებს ენამოწმებით ლაპარაკს, რომ მშობელს თავი შეაცოდოს და აღარ წაიყვანონ იქ.

ამის შემდეგ შედარებით მშვიდი პერიოდი დგება ბავშვის ცხოვრებაში და, მოგვიანებით, ინყება მეორე რთული ეტაპი – მოზარდობა. ეს პერიოდი, დაახლოებით, 11-12-დან 15-16 წლამდე ასაკს მოიცავს, როდესაც ბავშვი ჩამოყალიბებულია, უკვე ინყებს არა მხოლოდ დამოუკიდებლობისკენ სწრაფვას, არამედ მიიღწევს იმისაკენ, რომ საკუთარი ადგილი დაიმკვიდროს სამეგობრო წრეში და არა მხოლოდ დაიმკვიდროს ადგილი, არამედ ავტორიტეტიც ჰქონდეს. ამ შემთხვევაში, ყველაზე მეტი კონფლიქტებია, იგი არ უჯერებს მშობლებს, მასწავლებლებს და მიაჩნია, თუკი მშობელს დაუჯერებს და მის ჭკუაზე გაივლის, მეგობრები დასცინებენ და ცუდი ავტორიტეტი ექნება, დედას ბიჭს ან მამაკოს ბიჭს დაუძახებენ. ამ დროს, ყველაზე მეტად მიმართავს ბავშვი ძალადობასაც, თავის წრეში ადგილი რომ დაიმკვიდროს.

შემდეგ მოდის ახალგაზრდობის, ჭაბუკობის პერიოდი, როდესაც ხშირია დაპირისპირება მშობლებსა და შვილებს შორის. კონფლიქტოლოგიაში ამას უწოდებენ ყველაზე უაზრო ოჯახურ კონფლიქტებს, როდესაც მიდის დედა, მაგალითად, ტანსაცმელზე – ის, რასაც იცვამს ახალგაზრდა, არ მოსწონს მშობელს, ახალგაზრდა კი ჯიუტად ცდილობს ჩაიცვას ის, რაც მოდურია და რაც ყველას აცვია.

- ურთიერთობის რამდენიმე ფორმა არსებობს ოჯახებში:
- 1. **ჰიპომზრუნველობა**, რომლის გამოც მოზარდი თავს მარტოდ გრძნობს და უმცირდება საკუთარი „მნიშვნელოვნების“ შეგრძნება, ვლინდება თინეიჯერის მხრიდან მშობლისადმი სხვადასხვა „ისტერიული“ მოთხოვნებითა და ბრალდებებით, რომლებიც, მშობლების თვალთ, საფუძველსა მოკლებულია.
- 2. **ჰიპერმზრუნველობა**, რომელსაც თინეიჯერი ოჯახურ დიქტატურად აღიქვამს, უყალიბდება არასრულფასოვნების კომპლექსი, იტანჯება სხვადასხვა სახის კომპარული სიზმრებით, ინვესტ ფრუსტრირებას და ემოციურად აღარბიებს მას. ხშირად თავს იჩენს კომუნიკაციის პრობლემაში.

- 3. **„თაობათა ბრძოლა“** გამოწვეულია მშობელთა მხრიდან დროის ახალი გამოწვევების მიუღებლობით, ხოლო მოზარდთა მხრიდან „ძველი ღირებულებების“ განურჩეველი უგულვებლყოფით. საკითხისადმი ორივე მხარის უკომპრომისო დამოკიდებულება ინვესტ ფსიქოემოციურ დაძაბულობას, კონფლიქტებს და ერთმანეთისაგან გაუცხოებას.
- 4. მშობლების მხრიდან **საკუთარი პასუხისმგებლობის შვილებზე გადატანის მცდელობა**, რაც მოზარდებში „მშობლების იმედების ვერ გამართლების შიშს“ ბადებს.
- 5. გარდატეხის ასაკში მოზარდი სამყაროს ახლებურ ხედვას ინყებს, ხდება ძველი ცხოვრების გარკვეული ეტაპების გადაფასება და მათზე ახალი, ძველისგან განსხვავებული შეხედულებების ჩამოყალიბება, საკუთარ ცხოვრებაში დანახული ნაკლოვანებების მწვავედ აღქმა და შეუფერებლობა, მშობლების ქცევების, აზრების მიუღებლობა.

- 6. **ბრძოლა ოჯახში საკუთარი ადგილის მოსაპოვებლად**. მოზარდები, რომლებმაც, გარკვეული პირობების გამო, ვერ მოახერხეს თანატოლთა შორის სათანადო აღიარების მოპოვება, ცდილობენ ეს ნიშნული საკუთარ ოჯახში დაიკაონ, ხოლო მშობლები, მოზარდის პრობლემისადმი გულისხმიერი მიდგომის ნაცვლად, ხისტ წინააღმდეგობას უწევენ, „საკუთარი ადგილის დაკარგვის შიშით“.
- 7. **გაუთავებელი კონფლიქტები უფროსებს შორის**, რაც ხშირად ხდება თინეიჯერის თვალში მშობლის ავტორიტეტის დაკარგვის მიზეზი.
- 8. **მშობლების მცდელობა შვილების საშუალებით მოახდინონ საკუთარი განუხორციელებელი ოცნებების რეალიზება**, რაც მოზარდებში ბადებს პროტესტს და შემდგომში მძიმე განხეთქილების მიზეზი ხდება.

- 9. **მშობელმა მოზარდობის ასაკში უნდა იმეგობროს ბავშვთან**, შეძლებისდაგვარად მეტი დრო გაატაროს შვილთან, ისაუბროს ერთსა და იმავე თემებზე, საკუთარი აზრი კი არ მოახვიოს შვილს, არამედ გააცნოს თავისი შეხედულებები და იმსჯელონ იმ საკითხებზე, რაც ბავშვს აინტერესებს.
- 10. **იდეალური ოჯახი არ არსებობს**, ისევე, როგორც არ არსებობს არაფერი იდეალური. ყველა ოჯახში ფიქრობენ, რომ აქვთ გარკვეული პრობლემა და, რა თქმა უნდა, აქედან გამომდინარე, ყველა ოჯახშია რაღაც შეუთანხმებლობა.
- 11. **გამოსავალი ყოველთვის მოიძებნება**, მთავარია, გადავავტოვოთ ადგილობრივი ნაბიჯები და მოვიქცეთ სწორად.
- 12. ნუ დაგვაინყვება, რომ **მშობლები ჩვენთვის ყველაზე ახლო ადამიანები არიან** და მათზე მეტად არავინაა დაინტერესებული ჩვენი წარმატებით, კეთილდღეობითა და ბედნიერი მომავლით.

ირემლო ლანჩავაძე

ქუთაისის აკაკი წერეთლის სახელობის სახელმწიფო უნივერსიტეტის ფსიქოლოგია-ფილოსოფიის ფაკულტეტის მოწვეული მასწავლებელი

- გამოყენებული ლიტერატურა:
- 1. მშობლებისა და შვილების ურთიერთობის განსაზღვრელი ფაქტორები. 6 აპრილი, 2017, ქეთევან ოსიაშვილი <http://mastsavlebeli.ge/?p=13798>;
- 2. მშობლებისათვის: <http://phf.org.ge/ka/resources/konflikti-mshobelsa-da-shvils-shoris/>;
- 3. ჰაიმ ჯ. ჯაინოტი – „მშობლები და შვილები“;
- 4. დორის დორიე – „სასწაულს ხელი გაუწოდე“.

ინფორმაცია

სოფელ ქვეშე რეაბილიტირებული საჯარო სკოლა გაიხსნა

ამერიკის შეერთებული შტატების დაფინანსებით, გორის მუნიციპალიტეტის სოფელ ქვეშეში, რეაბილიტირებული სკოლა გაიხსნა, სადაც 247 მოსწავლე სწავლობს. საოკუპაციო ხაზიდან 1 კილომეტრის მოშორებით მდებარე სკოლის შენობა სრულად შეესაბამება თანამედროვე სტანდარტებს. საგარეო-ლიტაცო საშუალებების დროს სრულად გარემონტდა 3-სართულიანი შენობა, განახლდა ინტერიერი, შეკეთდა კიბეები და სახურავი, განხორციელდა გარე ფასადის საინჟინერო სამუშაოები, გარემონტდა საპირფარეოები, დამონტაჟდა წყლის, საკანალიზაციო და გათბობის ახალი სისტემები და ელექტროგაყვანილობა, ასევე, მოეწყო სკოლის ეზო და შეკეთდა სანიტარული სისტემა.

განათლების, მეცნიერების, კულტურისა და სპორტის მინისტრმა, **მიხეილ ჩხენკელმა**, აშშ-ს ელჩის მოვალეობის შემსრულებელ **ელიზაბეთ რუდთან** ერთად, გორის მუნიციპალიტეტში, სოფელ ქვეშეში, ახლად რეაბილიტირებული საჯარო სკოლის გახსნის ღონისძიებაში მიიღო მონაწილეობა.

ელიზაბეთ რუდა კიდევ ერთხელ მოუწოდა დე ფაქტო ხელისუფლებას, ადმინისტრაციულ სასაზღვრო ხაზზე გახსნას გამშვები პუნქტები და ადგილობრივ მოსახლეობას მისცეს თავისუფალი გადაადგილების, სამედიცინო დახმარების მიღებისა და შიშისგან თავისუფალი ცხოვრების საშუალება: *„იმედი გვაქვს, რომ სკოლა გააძლიერებს ქვეშის თესს და დაეხმარება სოფლის მოსახლეობას, გადალახოს ის გამოწვევები, რაც ადმინისტრაციულ სასაზღვრო ხაზთან ცხოვრებას უკავშირდება.“* – განაცხადა მან.

მიხეილ ჩხენკელმა სოფლისა და რეგიონის მოსახლეობას სკოლის განახლება მიულოცა: *„დღეს ძალიან მნიშვნელოვანი დღეა. ადმინისტრაციულ გამყოფ ზოლთან გავხსენით ახლად რეაბილიტირებული საჯარო სკოლა. ჩემთვის, როგორც საქართველოსა და აშშ-ს ორმაგი მოქალაქისთვის, განსაკუთრებით საამაყოა, რომ ეს პროექტი ამერიკელი ხალხის დახმარებით განხორციელდა.“*

რებით განხორციელდა. უღრმესი მადლობა მინდა გადავუხადო ამერიკის მთავრობას, ამერიკის არმიის ინჟინერთა კორპუსს, ამერიკის საელჩოს ამ პროექტის განხორციელებისთვის. როგორც მოგვხსენებთ, განათლება და ახალგაზრდებზე ზრუნვა ჩვენი მთავრობის მთავარი პრიორიტეტია, რადგან მხოლოდ კარგად განათლებულ საზოგადოებას შეუძლია გაუმკლავდეს არსებულ პრობლემებსა და გამოწვევებს.“

სოფელი ქვეშის საჯარო სკოლის რეაბილიტაცია ფინანსურად აშშ-ს თავდაცვის დეპარტამენტის ჰუმანიტარული, კატასტროფისა და სამოქალაქო დახმარების (OHDACA) ფონდმა უზრუნველყო, აშშ-ს ევროპული სარდლობის ჰუმანიტარული დახმარების პროგრამის ფარგლებში.

აღნიშნულ პროექტზე ამერიკის მთავრობამ 2.5 მილიონი ლარი დახარჯა.

გლობალური სტარტაპ ლაბის პროგრამა

მასაჩუსეტსის ტექნოლოგიურმა ინსტიტუტმა, ბიზნესისა და ტექნოლოგიების უნივერსიტეტის ბაზაზე, გლობალური სტარტაპ ლაბის პროგრამა დაიწყო.

MIT-ს გლობალური სტარტაპ ლაბი, პირველად რეგიონში, BTU-ში გაიხსნა. ქვეყნის სამეწარმეო ეკონომიკისთვის სტრატეგიული მნიშვნელობის პროექტი 4 კვირის განმავლობაში გაგრძელდება და მასში 28 შერჩეული სტუდენტი მიიღებს მონაწილეობას.

გლობალური სტარტაპ ლაბი უნივერსიტეტში 4 კვირის განმავლობაში, 9 იანვრიდან 31 იანვრის ჩათვლით, იფუნქციონირებს და მობილური და ინტერნეტტექნოლოგიების სტარტაპ ინკუბატორის პროგრამას განახორციელებს. პროგრამის ფარგლებში, მასაჩუსეტსის ტექნოლოგიური ინსტიტუტის სპეციალისტები შერჩეულ კანდიდატებს, მენარმეობასა და სტარტაპის ტექნიკური მხარდაჭერის მიმართულებით, გადაამზადებენ და მათ დემო დღისთვის მოამზადებენ, რომელიც 31 იანვარს გაიმართება.

„ბიზნესისა და ტექნოლოგიების უნივერსიტეტმა“ მასაჩუსეტსის ტექნოლოგიურ ინსტიტუტთან (MIT) ურთიერთმე-

თანხმებას, აშშ-ში სპეციალური ვიზიტის ფარგლებში, 2 წლის წინ მიაღწია. უპრეცედენტო შეთანხმება საქართველოში მობილური აპლიკაციების შექმნას და მის საერთაშორისო ბაზრებზე კომერციალიზაციის მხარდაჭერას გულისხმობს.

გლობალური სტარტაპ ლაბის დეტალების შესახებ პრეზენტაცია BTU-ში გაიმართა, მხარეებმა პროექტის დეტალებზე ისაუბრეს. „ბიზნესისა და ტექნოლოგიების უნივერსიტეტის“ რექტორი **ნინო ენუქიძე** ამბობს, რომ MIT-ის გლობალური სტარტაპ ლაბის პროგრამის საქართველოში განხორციელება სტარტაპ ეკოსისტემის განვითარების პროცესში მნიშვნელოვანი ნაბიჯია. *„MIT-ის გლობალური სტარტაპ ლაბი არის პროგრამა, რომელიც მსოფლიოს ნომერ პირველი, ყველაზე მაღალრეიტინგული უნივერსიტეტის მიერ ხორციელდება. მას ახორციელებს ჯგუფი, რომელიც პრეაქსელერაციის პროგრამას გაატარებს არა მხოლოდ BTU-ს სტუდენტებს, არამედ საქართველოს მასშტაბით შერჩეულ სხვადასხვა უნივერსიტეტის სტუდენტებსაც. პირველ რიგში, ჩვენ ძალიან ვამაყობთ და განსაკუთრებულად ველოდებით დემო დღეს, რომელიც პროგრამის დასასრულს გაიმართება. სწორედ დემო დღეზე აირჩევა გამარჯვებული სტარტაპი.“*

ლონისძიებას ესწრებოდა აშშ-ს ელჩის მოვალეობის შემსრულებელი საქართველოში **ელიზაბეთ რუდი**: *„მოხარული ვარ, რომ ამერიკულ და ქართულ უნივერსიტეტებს შორის ნარმატებული პარტნიორობა ხორციელდება. მასაჩუსეტსის ტექნოლოგიური უნივერსიტეტის გლობალური სტარტაპ ლაბის პროგრამა, დაარსების დღიდან, ტექნოლოგიების სფეროში ახალგაზრდა მენარმეების წახალისებით უწყობს ხელს ეკონომიკურ განვითარებას 25-ზე მეტ ქვეყანაში.“*

ჩვენ დღეს ძალიან მოხარულნი ვართ, რომ საქართველოს „ბიზნესისა და ტექნოლოგიების უნივერსიტეტში“ განხორციელდება ეს პროგრამა. აშშ-ს საელჩო და USAID-ის ათასწლეულის გამოწვევის კორპორაცია, მრავალი წლის განმავლობაში, მხარს უჭერს საქართველოს ძალისხმევას, ეკონომიკურად განვითარდეს და ახალგაზრდების დაინტერესებას ბიზნესისა და მენარმეობის კუთხით.“

MIT-ის გლობალური სტარტაპ ლაბის პროგრამა სრულად დაფინანსებულია „ბიზნესისა და ტექნოლოგიების უნივერსიტეტის“ მიერ. MIT გლობალური სტარტაპ ლაბის მხარდაჭერით ეკონომიკისა და მდგრადი განვითარების სამინისტროს ინოვაციებისა და ტექნოლოგიების სააგენტო, ოფიციალური პარტნიორები არიან „თიბისი სტარტაპერი“ და „სილქნეტ“.

სპორტი

ზამთრის თამაშების პირველი მედლები

იჩაქლი თამაში

9-22 იანვარს, შვეიცარიულ ლოზანაში, ზამთრის III ახალგაზრდული ოლიმპიური თამაშები ჩატარდა, რომელიც თავის ისტორიაშიც რეკორდული აღმოჩნდა და ჩვენთვისაც: ამ ღონისძიების არცთუ ხანგრძლივ ისტორიაში პირველად მოვიპოვეთ მედლები, ბრინჯაო და ოქრო. თამაშები მონაწილეთა რაოდენობით სარეკორდო იყო – 79 ქვეყნის 1791 ათლეტი გამოდიოდა. ინსტრუქტორების პირველი და ლილაჰამერის მეორე ანალოგიურ თამაშებთან შედარებით, საქართველოსაც რეკორდული მაჩვენებლის სპორტსმენი ჰყავდა – 10 სპორტსმენი სპორტის 4 სახეობაში. ამათგან ნახევარი ფიგურულ ციგურაობაში გამოდიოდა – **ალინა ურუშაძე** ინდივიდუალურ პირველობაში გამოდიოდა, **ლუკა ბერულავა** და **ალინა ბუტაევა** – წყვილებში, ხოლო **იულია ლებედევა-ბითაძე** და **მისაელ კაიგოროდცვი** – სპორტულ ციკლეში. ტრამპლინიდან სტომაში **ესმერალდა გობოზოვა** ცდიდა ძალეებს, სამთო თხილამურობაში – **ნინო კურტანიძე** და **ნოდარ კოზანაშვილი**, ხოლო **ლუკა** და **ლამა მჭედლიანები** ციგაობაში ასპარეზობდნენ. აღსანიშნავია, რომ მჭედლიანები სვანეთში ვარჯიშობენ, ანუ ზამთრის სახეობებს კიდევ ერთი ცენტრი შეემატა, სადაც საკმაოდ კარგი სპორტსმენების აღზრდა შეიძლება. საერთოდ, ამათი უმეტესობა საქართველოში ემზადება და აქაურ პირობებში მომზადებით მოიპოვეს ლოზანას საგზურები, ადრე კი ჩვენები ძირითადად უცხოეთში ემზადებოდნენ.

ამ ათეულიდან ყველაზე კარგად ლუკა ბერულავასა და ალინა ბუტაევას დუეტმა ისრიალა – მათ ჯერ ისტორიული ბრინჯაო მოიპოვეს წყვილებში ანუ გახდნენ პირველები, ვინც საქართველოს ამგვარ ღონისძიებაზე მედალი მოუტანეს, მერე კი ინტერნაციონალური გუნდის შემადგენლობაში სულაც ოქროს მედლებს დაეუფლნენ.

მათ ლოზანაში ნარმატებული სტარტი აიღეს და პირველ

დღეს, მოკლე პროგრამის შემდეგ, 59,14 ქულით მესამე ადგილზე იყვნენ, ჩამორჩნენ მხოლოდ რუსულ წყვილებს, თუმცა უკან მოიტოვეს აშშ-ს, კანადის, ჩინეთის, იაპონიის, უკრაინის, გერმანიისა და სხვა ძლიერი ქვეყნების წარმომადგენლები. ვითარება არც მეორე გამოსვლის – თავისუფალი პროგრამის შემდეგ შეცვლილა, სადაც 98,15 ქულა დააგროვეს და ისევ მესამე იყვნენ. ჯამში, 157,29 ქულა დაუგროვდათ და ბრინჯაოს დაეუფლნენ, წინ კი ისევ ის ორი რუსული წყვილი გაუშვეს და მეტი არავინ.

ამის შემდეგ ჩვენებმა შერეული გუნდის შემადგენლობაში გაიმარჯვეს, რომელიც მოცეკვავე და სპორტული წყვილების, გოგონათა და ვაჟთა ერთეულთა თანრიგის წარმომადგენლებისგან შედგებოდა. ჩვენებთან ერთად გამარჯვებულ გუნდში შედიოდნენ ესტონეთის, რუსეთისა და იაპონიის გუნდების წევრებიც.

ჩვენი დანარჩენი სპორტსმენებიდან ყველაზე კარგად ალინა ურუშაძე გამოვიდა – ის მოკლე პროგრამაშიც მეხუთე იყო და თავისუფალშიც, შედეგად კი საბოლოოდაც მეხუთეზე გავიდა.

აღსანიშნავია, რომ ჩვენების მედლებს ევროპის ოლიმპიური კომიტეტების ოფიციალური საიტზე გამოეხმაურა, რომელმაც ხაზი გაუსვა იმ გარემოებას, რომ საქართველომ და ისრაელმა ზამთრის თამაშებზე პირველი მედლები მოიპოვეს. საბედნიეროდ, ბოლო წლებში, საქართველოში ზამთრის სპორტის სახეობები მართლაც აღმავლობის გზაზეა, რასაც სხვადასხვა ასაკში მოპოვებული არაერთი სინჯის მედალი მოწმობს. ჯერჯერობით ეს ნარმატებები, ძირითადად, ფიგურულ ციგურაობაზე მოდის, თუმცა დადებითი ძვრები სხვა სახეობებშიც შეინიშნება. უკვე გაჩნდა იმედი იმისა, რომ მალე დიდ ოლიმპიადებზეც აღარ ვიქნებით მხოლოდ მონაწილეთა რაოდენობის და მედლებისთვის დავაშიც ჩავერევით, მანამ კი საქართველო ევროპის ზამთრის 2025 წლის თამაშების მასპინძლობისთვის იბრძოლებს – ზემდგომ ინსტანციაში განაცხადი უკვე გაგზავნილია.



**გამომცემლობა „ახალი განათლება“
გთავაზობს**



5 ლარი



12 ლარი



10 ლარი



9 ლარი



8 ლარი



ნ. მარგალიტი



4 ლარი



12 ლარი

**გაქურ სულაქაურის გამომცემლობა
ნაგვილი და მოგონილი აბეაბი**



სერია შექმნილია I-VI კლასების მოსწავლეებისათვის, „პითხვის საათის“ სპეციალური გათვალისწინებით.



სერიის ფასი – 32.40ლ

**„ინტელექტი“
და „არტანუჯი“
გთავაზობს**

წიგნი დაწერილია აბიტურიენტებისა და მასწავლებლებისთვის. მასალა დალაგებულია პროგრამის მიხედვით და გადმოცემულია გეომეტრიის, ანალიზის, ალგებრისა და სტატისტიკის საკითხები.



19 ლარი



19 ლარი

გავიგეოროთ მათემატიკა (I-II ნაწილი)



წიგნი I V-XVIII სს მწერლობა



წიგნი II XIX საუკუნის მწერლობა

**ტესტები ქართულ
ლიტერატურაში
ეროვნული
გამოცდისათვის**

თითო ტომის ფასი – 13 ლარი

**ეროვნული უნარები
თეორიული მასალა**



15 ლარი

**ეროვნული უნარები
ტესტები**



15 ლარი

**ტესტის გააზრება
ანალიტიკური წერა**



15 ლარი

**მასწავლებლის
გიგლიოთაქა**



300 მნიშვნელოვანი პითხვა ქვესუბიტი

8 ლარი

**იროვანური
გაკვეთილები
დაწყებით კლასებში**



6.50 ლარი

**ქართული (I-VI კლ.)
მასწავლებელთა
გამოცდებისათვის**



11 ლარი

**სწოვარი
დაწყებითი
პედაგოგებისთვის**



14 ლარი

პროფესიული უნარები 300 მნიშვნელოვანი პითხვა-პასუხებით

პითხვა-პასუხის კონტეფტიაზე აბეაბული გზამკვლევი დაეხმარება სტუდენტებს, დაწყება მასწავლებლებს, პრაქტიკოს მასწავლებლებს, განსაკუთრებით გამოცდაზე გამსწავლ მასწავლებლებს მასწავლის გამეორებაში.

**ინტერაქტიური
მეთოდების კრებული**



7 ლარი

**კათედრის გაგების
პორტფოლიო**



6 ლარი



ტესტები

ქრეაული სრულად ფარავს პროგრამას I-IV კლასების კომპინირებული გამოცდისთვის. მასში 1000-მდე ტესტური დავალებაა პასუხებით და მეთოდური რეკომენდაციებით.

15 ლარი

ხელმწიფის თანხა გადმოცხებით რეკვიზიტებზე:

მიმღები – შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი პანკი“, გ/კ LBRTGE22

შეკენის მსურველები დაგვიკავშირდით:
555 411 668, 599 88 00 73, 032 295 80 23

